

Ishara
Jeffersonville, Indiana, USA
Septemba 01, 1963A

1 Mnaweza kuketi. Habari za asubuhi, kila mtu! Nina furaha kuwa katika utumishi wa Bwana asubuhi ya leo, kurudi tena kwenye ... Sikujua kama tutarudi ama hatutarudi, bali Bwana alitayarisha njia, nasi tukarudi kwa ajili ya ibada leo. Sasa tunatarajia nyakati kuu leo, asubuhi hii, katika somo hili la shule ya Jumapili, katika Neno. Na usiku wa leo kutakuwa na ibada za uponyaji tena, huku ibada ya ushirika ikiifuata.

2 Na sasa tuna ku—kuwekwa wakfu kwa mtoto mchanga, naamini ... Ndugu Neville alikuwa akiniambia tu ya kwamba mtu fulani alikuwa na mtoto wao wa kuwekwa wakfu. Na kama watamleta mtoto mchanga wakati huu, basi. Na ndugu yetu atabaki, ama baadhi yao, kwenye kinanda au piano, mojawapo. Na halafu mlete mtoto. Tutakuwa na ibada ya kuweka wakfu; ili tuweze kuingia moja kwa moja, upesi tuwezavyo, kwenye Neno.

Kwa maana, sisi hupenda ku—kudumu katika Neno. Hilo—hilo ndilo jambo muhimu, kutoa wakati wetu kabisa kwa Neno la Bwana. Kwa hiyo tunashukuru sana kwa ajili ya nafasi ya kukutana nanyi nyote hapa leo, na ku ... na hii—ibada hii.

3 Sina budi kuwa nimekosea. Hilo ni sawa, dada. Ni—ni—nilidhani kulikuwako. Labda ni kosa tu. Sawa. Sasa, ninawashukuru, sana, vivyo hivyo. Labda hii, nafikiri imekuja kupitia kwa mtu mwingine, kupitia kwa mtu mwingine, na imelifanya jambo fulani kuwa gumu.

Sasa kila mtu anajisikia vizuri? [Kusanyiko linasema, "Amina." — Mh.] ...?... Mungu asifiwe!

[Ndugu Neville anasema, "Hawa hapa wanakuja." — Mh.] Sasa, loo, naam, hawa hapa jamaa wadogo. Ninasikitika. Ninasikitika. Vema, hebu njoo, mzee. ["Naam, bwana."]

Vema, vipi wawili, wasichana wadogo wawili na wazuri wenye macho ya kahawia! A-ha? Huo ni uzuri. Jina lake ni nani? Angalia hapa! [Mama anasema, "Jennifer Lee." — Mh.] Jenny? ["Jennifer Lee."] Jennifer Lee. Jina la mwisho ni nani? ["Serept."] Serept. Unatoka wapi, Dada Lee? ["Versailles, Illinois."] Versailles, Illinois. Ni jambo zuri iliyoje!

4 Sasa, katika Biblia. Sasa, kwa kawaida, wao—wao wana kama kuwabatiza watoto; hatuamini katika kubatiza watoto, kwa sababu hawajatenda dhambi bado, maana wao ni wadogo sana. Lakini tunaamini katika kuwaweka watoto wakfu kwa Bwana. Sasa mimi na mzee tutamwekea mikono mtoto huyu mchanga. Jenny, unasema? [Ndugu Neville anasema, "Jennifer." — Mh.] Jennifer. Vema.

Na tuinamishe vichwa vyetu.

Baba wa Mbinguni, kama asubuhi ya leo tunavyomleta msichana huyu mdogo, anayeitwa Jennifer, Kwako, mama na wapendwa wamemleta kutoka mbali, apate kuwekwa wakfu kwa Bwana. Tunajua ya kwamba Wewe uliweka mikono Yako juu ya watoto kama hawa, katika siku Zako, kisha—kisha ukasema, "Waacheni watoto wadogo waje Kwangu, wala msiwazuie; kwa maana walio mfano wa hao, Ufalme wa Mbinguni ni wao." Sasa tunamtoa Kwako, kwa maisha ya utumishi, katika Jina la Yesu Kristo. Amina.

5 Msichana huyo mwingine anaitwa nani? [Mama anasema, "Connie Lynn." — Mh.] Connie Lynn. Sawa, Connie mdogo, unanifanya, unanifanya nijisikie mdogo. Unaogopa nini? Loo, ninaogopa hilo halitafaa kitu, mama. Vema.

Na tuinamishe vichwa vyetu.

Bwana Yesu, mama anamleta huyu Connie mdogo kwetu asubuhi ya leo, katika ibada ya kuwekwa wakfu kwa Mwenyezi. Ulimpa mtoto huyu, kumlea, naye anamleta Kwako, pamoja na maskini dada huyo. Ninaomba, Baba wa Mbinguni, ya kwamba Wewe utakuwa na rehema. Ibariki familia. Mbariki msichana huyo mdogo. Tunapoweka mikono juu yake, katika Jina la Yesu Kristo, tunamtoa Kwako kwa maisha ya utumishi. Amina.

Mungu awabariki, na watoto wenu wadogo kule.

Jamani, tuna watoto wengi wachanga sasa!

6 Jina la mvulana huyo mdogo ni nani? [Mama huyo anasema, "Joel Lee Watson." — Mh.] Joel Watson. ["Joel Lee."] Joel Lee Watson. Ni mvulana mzuri iliyoje, macho makubwa ya bluu! Jamani! Nyote mnatoka wapi? ["Eastman, Georgia."] Kutoka Georgia. ["Ndiyo."] Nilifikiri kutoka Kusini. Sikujua ... ["Vema, mama yangu yuko karibu na Tifton. Ni huko chini."] Loo, naam. Loo, jamani! Huyu ni mvulana mzuri, mdogo wa Georgia, basi, a-ha? Vema, bwana. Naam, bwana, hilo ni zuri sana. Anaweza kuzungumza, pia. Huwezi?

Na tuinamishe vichwa vyetu.

Baba wa Mbinguni, tunamleta mvulana huyu mpendwa, wakati mama na baba wanaposimama hapa

katika—kwa uhusiano wao. Umewapa mvulana huyu mdogo wamlee, nao wanamrudisha Kwako. Hili lingekuwa ni—ni tukio zuri lililoje, kama Hanna, wa kale, aliyeomba apate mtoto; na—na Mungu akampa mtoto huyo, naye akamrudisha kwenye hekalu la Mungu, katika kuwekwa wakfu. Jalia, Bwana, ya kwamba mvulana huyu mdogo atakuwa mtumishi Wako, ya kwamba baba na mama watabarikiwa, na wawe na afya na nguvu za kumlea. Na jalia aishi maisha marefu, yenye furaha, na awe mtumishi Wako, tunapomkabidhi Kwako, katika Jina la Yesu Kristo. Amina. (Mbarikiwe!) Na kumfanya mtu mzuri, labda nabii mwingine mdogo kama Samweli.

7 Sasa hapa kuna wavulana wawili wazuri. Jamani! Watatu wao, basi? Vema, hiyo ni familia nzima. Jina lako ni nani? [Mvulana huyo anasema, "Michael."] Michael. Na lako? [Yule mvulana mwingine anasema, "Paulo."] Paulo. Ni majina mazuri iliyoje! Na lako? [Msichana huyo anasema, "Debbie."] Debra. Hilo ni sawa kabisa. Michael, na Paul, na Debra. Na jina lako la mwisho ni nani? [Baba anasema, "Ellis."] Ellis? ["Ndiyo."] Vema, hiyo ni familia nzuri sana, nawaambia.

Mwajua, ninapowaona jamaa wadogo namna hiyo, daima hunirudisha nyuma nilipokuwa mvulana mdogo. Na sasa ule msemu wa kale ni, unajua, "Wanakanyaga miguu yako sasa, na moyo wako baadaye," lakini siamini itakuwa hivyo tutakapowaweka wakfu kwa Bwana. Tuna jukumu hapa, na Mungu aliweka hili mkononi mwako. Yeye alikufanya mhubiri. Daima nilisema kuhusu wahubiri wanawake, mwajua, lakini kila mama ni mhubiri; hapa kuna kusanyiko lake, mnaona, kuwalea hawa jamaa vizuri, wakati baba anafanya kazi. Nawe unao wajibu. Mungu awabariki wote wawili. Mna familia nzuri ndogo.

8 Baba yetu wa Mbinguni, tunakuja pamoja na Michael mdogo, inaonekana kana kwamba ndiye mtoto wa kwanza. Nasi tunaweka mikono yetu juu yake, katika kuweka wakfu, kwa Yesu Kristo. Familia yake inawaleta watoto wao kwa maana ulimweka huyu wapate—wapate kumlea, nao wanajua ya kwamba wao hawatoshi, bila msaada Wako, kwa hivyo wanaleta jamaa yao ndogo, kuwaweka wakfu.

Sasa ninamleta mtoto Michael hapa Kwako, kwa ajili ya maisha ya utumishi, katika Jina la Yesu Kristo. Vivyo hivyo, tunaweka mikono yetu juu ya mtoto Paulo, na tunaweka maisha yake wakfu kwa Yesu Kristo, kwa ajili ya maisha ya utumishi kwa ajili ya utukufu wa Mungu. Na juu ya mtoto Debra, tunaweka mikono juu yake, Baba, katika kuwekwa wakfu, ukumbusho wa Yesu Kristo, Ambaye aliweka mikono Yake juu ya watoto wadogo, kasema, "Waacheni waje Kwangu; msiwakataze." Jalia maisha ya msichana huyu mdogo yabarikiwe katika Ufalme wa Mungu.

Wabariki baba na mama, na jalia waishi, maisha marefu yenye furaha, kuwaona watoto wao katika utumishi wa Mungu. Tunaomba baraka hii kwa ajili ya utukufu wa Mungu, tunapowaweka wakfu katika Jina la Yesu Kristo. Amina.

Mbarikiwe! Mbarikiwe! Ninyi ni jamaa nzuri, ndogo. Naam.

9 Ni ninii ... Mnajua ninalowazia? Wasichana wadogo wanapata, ni wazuri zaidi sasa kuliko walivyokuwa wakati nilipokuwa mvulana mdogo. Naam, bwana. Ni macho makubwa ya kupendeza iliyoje! Jina lake ni nani? [Mama huyo anasema, "Joanna." — Mh.] Joanna. Na jina lako la mwisho ni ... [Baba anasema, "Blair."] Blair, Joanna Blair. Ninyi ambao mnatazama kule nyuma, si yeye ni mrembo? Naam, bwana. Na u hali gani, Joanna, ha? Kwa namna fulani mwenye haya kidogo, Joanna, mwenye haya kidogo. Kitu kidogo cha kupendeza.

Na tuinamishe vichwa vyetu.

Baba yetu wa Mbinguni, familia hii ya Blair imekuwa na karama hii kwa ndoa yao, huyu Joanna mdogo. Nasi tunajua ya kwamba siku hizi ni mbaya, wakati Shetani yuko kila mahali, kuwazonga, hasa hawa wasichana wadogo. Nao wanajua ya kwamba hawatoshi ku—kumlea vizuri. Nao wanataka alelewe vizuri, na awe mtumishi Kwako. Nao wanamlea huyu msichana mdogo apate kukuheshimu Wewe. Na sasa wanamleta, katika kuwekwa wakfu, Kwako. Tunaweka mikono yetu juu yake, katika Jina la Yesu Kristo, tunapomuweka wakfu Joanna Blair kwa Ufalme wa Mungu, kwa ajili ya utukufu wa Mungu. Amina.

Ubarikiwe, Ndugu Blair. Bwana awe pamoja nanyi.

10 Habari za asubuhi, bwana! [Baba anasema, "Nzuri!" — Mh.] Ni mvulana mzuri iliyoje huyu! Jamani, u hali gani? Vema, jamani, unaonekana bora zaidi kama ungegeuka upande huu. Naam, bwana. Una kichwa kizuri, kizuri, kidogo, na uso wa kuambatana nacho. A-ha? Jina lake ni nani? ["Daniel Mark."] Daniel Mark. Na jina lako la mwisho? ["Mark Kardum."] Kardum. ["Kardum."] Kardum, Daniel Mark Kardum.

Kutoka hapa, Ndugu Kardum? [Ndugu Kardum anasema, "Sasa, mji wa Melkerk." — Mh.] Naam, bwana. Unatoka wapi? ["Kwa asili ninatoka Jimbo la New York."] Jimbo la New York, Yankee, sawa. ["Ndiyo."] Vema, ni jimbo kuu. Nina watu fulani wanaoishi kule. Mjomba wangu anaishi Plattsburgh. Loo, nimewahi kuwa na nyakati za furaha sana huko New York. Nitaenda huko kwa mkutano wangu ujao, Jiji la New York, katika lile kanisa la mawe. Vema.

Sasa, jina lake ni Marko, unasema? [Baba anasema, "Daniel Mark." — Mh.] Daniel Mark, ni mvulana

mdogo mzuri iliyoje!

Na tuinamishe vichwa vyetu.

Bwana Yesu, tunamleta Kwako mtoto Daniel Mark, katika kuweka maisha yake wakfu. Ametolewa mikononi mwa baba na mama, kumlea mtoto huyu mdogo katika maonyo ya Mungu. Nao wanajua ya kwamba hawatoshi, kwa hivyo wanamleta Kwako, Bwana, upate kuyabariki maisha yake. Na, sasa, nasi tunajua ya kwamba siku hii ni mbaya, tunayoishi. Tunawaona watoto wadogo, hatujui kesho inayo nini, lakini, hata iwe nini, tunawaaminisha mkononi Mwako. Tunaweka mikono juu ya mvulana huyu mdogo, na kuyaweka maisha yake wakfu Kwako, kwa ajili ya maisha ya utumishi katika Ufalme wa Mungu, katika Jina la Yesu tunaomba. Amina.

Mungu akubariki, ndugu. Yeye ni mvulana mzuri. Na ubarikiwe, Mark mdogo.

Loo ... walete, walete,
Walete kutoka katika mapori ya dhambi;
Loo, walete, walete,
Waleteni watoto wadogo kwa Yesu.

Hilo ni zuri sana! Asante, dada.

11 Ni wangapi waliokuwa hapa Jumapili, walioombewa Jumapili iliyopita, wanaohisi matokeo na wanahisi mmeponywa? Inueni mikono yenu, mliombewa. Loo, jamani, angalia hapa, karibu kila mmoja wao.

[Ndugu Neville anasema, "Haleluya! Hilo si ni la ajabu! Mungu asifiwe! Nimekuwa nikisikia jambo hilo, juma zima." — Mh.] Naam, bwana. Mimi, pia. Ninataka tu kuwa nimeketi, nikisikiliza, mnaona.

Mnaona, jambo fulani linatendeka, ambalo nitawaambia baadaye. Kwa hiyo, sasa, mnaona, ni—ni jambo la utukufu na la ajabu. Na kama sisi ... Tutazungumza juu yake, mkutano mwingine, mwajua, wakati mwingine. Limeanza kutukia, nasi tunashukuru sana kwa jambo hilo.

12 Nami nimekuwa huko Kentucky, kama ninavyofanya kila mwaka, nikishuka kwenda kule. Nilikuwa pamoja na baadhi ya marafiki zangu kule. Na si kabisa kuwinda kindi, nanyi mnajua jambo hilo, mnaona.

Kwa hiyo tunakuwa tu na wakati mzuri sana, nasi tunamshukuru Bwana!

13 Sina budi kwenda sasa, sina budi kwenda nyumbani baada ya mkutano huu. Halafu basi, nasi tunaninii ... Ndipo nitarudi tena, baada ya kitambo kidogo, kwenda New York kwa ajili ya mkutano. Na kama tunaweza kupata nafasi ya kusimama kwa muda kidogo, mbona, tu—tutafurahi kuwa na mkutano mwingine hapa maskanini.

Na halafu sina budi kurudi, nikienda Shreveport. Na halafu tunarudi nyumbani, na kulenga kuwa hapa katika likizo, Bwana akipenda, kuirudisha familia. Na halafu—halafu nataka kuninii ...

Ndipo mkutano wangu unakuja huko Phoenix, Januari. Ni mkutano wa kila mwaka kule kwa Wafanyi Biashara Wakristo. Na yapata juma moja ama siku kumi kabla ya hapo, nitajaribu ku—kukodisha hilo kubwa ... Watu wa Jina la Yesu; ilikuwa ni Ndugu Garcia, na yule—yule ndugu wa Kihispania kule alikuwa na mahali pazuri, mahali pakubwa pale. Wamepajenga tu. Itachukua watu elfu kadhaa, papya kabisa, na kusanyiko lao ni dogo sana. Waliniambia ningeweza kukodisha wakati wowote nilipotaka. Badala ya kwenda kila ma—mahali, kuzunguka hilo bonde, kanisa baadaye kanisa, nafikiri nitayaunganisha yote katika mkutano mmoja mkuu wa muungano, mwaona, kisha niufanye pale.

14 Na ndipo tunaweza kukodi hekalu. Tutaenda tuone kama tunaweza, ndipo tuwe na Mkutano wa Wafanyi Biashara Wakristo. Halafu, mpaka ya nchi za ng'ambo yatakaponyoshwa, tutajaribu kutayarisha mikutano sehemu za Kusini, mnamo Januari, Februari na Marchi, huko nyanda za Kusini. Na halafu—basi nenda ... maana, kama tukianza sasa na kwenda Afrika ... Mnaona, wakati huu wa Krismasi, kwao, ni tarehe nne Julai. Mnaona, kuna—kuna mvua na ni mbaya, na huwezi kuingia mle katika wakati huo, kwa hiyo wakati mzuri zaidi wa kuingia mle ni baadaye. Halafu basi tunataka kuanza, tukiweza, huko Norway, na tufike kote ulimwenguni, na kufanya kazi Afrika, kuishia kule, Bwana akipenda.

Lakini tuombeeni sasa. Nasi tunawapenda, nanyi mnajua jambo hilo. Kwa hiyo tunatarajia yaliyo mengi sana, kuliko yote tungeweza kufanya, ama hata kufikiri Bwana angeweza kufanya.

15 Nasi tunaamini, usiku wa leo, kutakuwa na ibada kuu ya uponyaji. Ninaamini kutakuwako na ... Sitasema ila kidogo tu, maana tuna ushirika usiku wa leo. Na kwa hiyo yapata dakika ishirini ama thelathini, ndipo tutakuwa na mstari wa maombi, na—na halafu mara baada ya hayo, tutakuwa—tutakuwa na ushirika. Nanyi mnakaribishwa kukaa pamoja nasi; tutafurahi. Hatuna ushirika wa—wa siri. Ni kwa kila mwamini, kila mwamini.

Na kabla sijasoma Maandiko, sijui kama tungeinamisha vichwa vyetu kwa dakika moja tu. Nitamwomba rafiki yangu mwema, Ndugu Lee Vayle, kama yeye atatuongoza katika maombi, ya kwamba

Mungu atalibariki Neno Lake. Ndugu Vayle, utatufanyia jambo hilo?

[Ndugu Lee Vayle sasa anaomba — Mh.] Amina. Tujalie, Bwana. Tujalie, Bwana. Tujalie, Bwana. Naam, Bwana. Amina.

16 Sasa kwa uchaji, kwa uchaji tunalikaribia Neno. Sasa nataka kusoma, asubuhi ya leo, kutoka Kutoka sura ya 12, na kuanzia kifungu cha 12, kifungu cha 12 na 13, pamoja. Na sikilizeni kwa makini sasa. Na halafu kabla ya ushirika usiku wa leo, soma sura ya 12 ya—ya Kutoka, sura nzima; kwa maana kifungu cha 11 tu hapa ni kujiandaa kwa ajili ya safari, na ushirika kabla ya safari. Nasi tunataka kuliendea hili kwa kicho sana sasa. Sasa aya ya 12 ya sura ya 12.

Maana nitapita kati ya nchi ya Misri usiku huu, nami nitawapiga wazaliwa wa kwanza wote katika nchi ya Misri, wa wanadamu na wa wanyama; nami nitafanya hukumu juu ya miungu yote ya Misri; Mimi ndimi BWANA.

Na ile damu itakuwa ishara kwenu katika zile nyumba mtakazokuwamo; nami nitakapoiona ile damu, nitapita juu yenu. Lisiwapige pigo to lote likawaharibu, nitakapoipiga nchi ya Misri

Bwana na alibariki Neno Lake Takatifu!

17 Sasa nataka kuchukua somo kutoka hapo, neno moja tu lenye herufi tano: *Ishara*. Ishara! Ninataka kuzungumza juu ya neno, ama kufundisha somo hili la shule ya Jumapili, juu ya neno la “ishara.” Biblia ilisema hapa, “Na hiyo damu itakuwa ishara kwenu.” Nasi tunataka kutumia neno “ishara.”

18 Sasa hatujui; ninapoangalia saa, na wakati unapofika, vema, hawa ni ... Nina Maandiko mengi sana yaliyoandikwa hapa. Kwa hiyo si ... Na nikijua ya kwamba sitakuwa pamoja nanyi kwa muda kidogo. Na tunajua huu hautakuwa wakati wa mwisho ambapo baadhi yetu tutakutana pamoja, kwa hiyo hebu na tujaribu kuliendea kwa uchaji. Ninajua ya kwamba ni vigumu. Bwana ametupa asubuhi nzuri sasa, pia—pia, kwa ajili ya ibada, nzuri tu. Basi hebuni tujaribu kutilia maanani sana kila kitu ambacho—ambacho tutazungumzia, kusudi...iwapo mna cho chote mle ambacho Bwana angetaka mjue, ili muweze kupewa.

19 Nasi hatusimami hapa ili tu tuonekane. Hatukuja hapa ili wengine wapate kuona mavazi tuliyokuwa tumevaa. Ama ... Sisi, tunakuja hapa kwa ajili ya jambo moja, kama vile ndugu yetu alivyoomba maombi hayo, “Tuko hapa kwa ajili ya kusikia Neno, Neno likitujia.” Tunataka jambo Hilo, maana hilo ndilo jambo pekee litakalomaanisha kitu cho chote kwetu, chochote kitakachokuwa kikubwa, cho chote ambacho—ambacho kitatusaidia.

20 Nasi ni watu wanaokufa. Wanadamu wote wanaelekea kwenye Umilele. Na halafu tuna wakati huu mwingi wa kufanya maamuzi juu ya njia tutakayoelekea. Na barabara iko mbele zetu; tunaweza kuchukua upande wowote tunaotaka kuchagua. Hivyo ndivyo alivyowaweka Adamu na Hawa, na hivyo ndivyo anavyotuweka sisi.

21 Hatuna budi kukumbuka, ya kwamba haidhuru tunafanya nini, ama tumefanikiwa vipi, maishani, bila Kristo tumepoteza kabisa kila kitu. Kwa hiyo kama Yeye, baada ya ... Iwapo Yeye ndiye yote yaliyopo ya kutazamia, basi sisi tungekuwa ndio watu walio wapumbavu sana kutokulikubali, kuwa, na—na kulipenda. Si kulikubali tu, bali unafikia jambo kuu kuliko hilo. Baada ya kulipata, usilichukue na kuliweka kabatini—huna budi kulitumia. Linapaswa kutumiwa.

Ni kama kwenda kwa daktari kupata dawa, na kisha kuiweka kwenye rafu. Ukienda kuchukua dawa, zinywe. Iwapo kuna ugonjwa unaokusumbua, na dawa hii inakusudiwa kukusaidia, basi kunywa akupacho; na jinsi asemavyo itumiwe, kwa maana wakati mwingine dakika chache tu huleta tofauti sana jinsi unavyoitumia. Na jinsi tunavyojua ...

Lakini katika kisa hiki, leo, dakika moja tu ya uamuzi wako huenda ikaamua mwisho wako wa Milele. Lichukue tu jinsi anavyokupa.

Ishara, “Damu hiyo itakuwa ishara kwenu.”

22 Sasa ni nini, kwanza, ishara? Ni neno ambalo linatumia sana miongoni mwetu watu wanaozungumza Kiingereza, hasa hapa Marekani. Ishara ni ... Kwa kweli, kamusi inasema ishara ni dalili, ni dalili ya nauli, gharama iliyolipwa, mwaona, ya kwamba na—nauli, ama gharama, gharama inayohitajika ambayo imekwisha lipwa.

Kama vile nauli kwenye reli ama nauli kwenye basi. Unaondoka unaenda unalipa nauli ya—yako, kisha wanakupa tikiti, na hiyo tikiti haiwezi kutumika kwa cho chote kingine, ila gari la moshi. Na ni ishara, kwa kampuni ya reli, ya kwamba umelipa nauli yako. Ni ishara, wala huwezi kuitumia kwa kitu kingine chochote. Haifanyi kazi kwenye mstari mwingine wowote. Inafanya kazi tu kwenye mstari huo tu. Na ni—ni ishara.

23 Sasa hapa chini, tunayonena habari zake, ambapo tunaanzia, ni Mungu akiwaambia Israeli, "Damu ya mwana-kondoo ni ishara kwenu." Mwana-kondoo wa Israeli, aliyechinjwa, alikuwa ndiye ishara inayotakiwa ya Yehova. Haina budi kuwa ni damu. Mungu alifanya ishara na kuwapa Israeli. Na hakuna ishara nyingine itakayofanya kazi, mnaona, haiwezi kutambuliwa.

24 Kwa ulimwengu, ni furushi la upuuzi. Lakini, kwa Mungu, ndiyo njia pekee. Kitu pekee anachohitaji ni ile Ishara. Haina budi kuwepo. Nawe huwezi kuwa na Ishara mpaka nauli itakapolipwa, basi wewe ni mmiliki wa ile Ishara inayokupa u—upendeleo wa kupita bure. "Nitakapoiona ile Damu, nitapita juu yenu." Ni wakati ulioje, huo, ni majaliwa yaliyoje, kujua ya kwamba umebeba, ndani yako, ile Pasi. "Nitakapoiona ile Damu, nitapita juu yenu." Ndicho kitu pekee ambacho Yeye atatambua. Si kitu kingine chochote kinachoweza kuchukua mahali Pake; hakuna kbadala, hakuna dhehebu, hakuna kitu kingine. Inahitajika Hiyo. Mungu alisema, "Hiyo pekee ndilo nitayoiona."

Haidhuru walikuwa wenye haki iliyoje, walikuwa wazuri iliyoje, walivyokuwa na elimu nyingi, jinsi walivyovaa, ishara ndiyo kitu pekee. "Nitakapoiona ishara, nitapita juu yenu." Ile damu ilikuwa ni ishara ya kwamba ma—matakwa ya Yehova yalikuwa yametimizwa, ya kwamba yalikuwa yametimizwa. Ile damu ilisimama kwaajili ya ishara. Ile damu ndiyo iliyokuwa ishara. Mnaona? Maisha ambayo ...

25 Mungu alikuwa amesema ya kwamba, "Siku utakayokula, siku hiyo utakufa." Na kulikuwako na uhai wa kbadala uliochukuliwa kwa ajili ya uhai wa mwaminio. Mungu, katika rehema, alikubali kbadala cha maisha ya mtu aliyetiwa unajisi. Wakati mtoto Wake alipojitia unajisi kwa dhambi, ya kutokuamini Neno, ndipo Mungu, mwingi wa rehema, akafanya kbadala; na, hiyo ilikuwa, kitu fulani kilipaswa kufa mahali pake. Hakuna kitu kingine kingeweza kufanya kazi.

26 Hiyo ndiyo sababu matofaa na mapichi ya Kaini, na kadhalika, hayakufanya kazi. Ilibidi iwe ni uhai uliokuwa na damu ndani yake, na uhai huo ulikuwa umeondoka kwenye dhabihu, na sasa ile damu ilikuwa ni ishara ya kwamba agizo la Mungu lilikuwa limetekelezwa. Sasa, Mungu alihitaji nini? Uhai; na damu ilionesha ya kwamba ilibidi kuwe na uhai uliokwisha. Kwa hiyo damu ilikuwa ndiyo ishara ya kwamba uhai ulikuwa umetolewa, ya kwamba kitu fulani kilikuwa kimekufa, mahitaji ya Mungu; ya kwamba uhai ulikuwa umetolewa, na damu ilikuwa imemwagwa. Na damu ilisimama kwa ishara, ya kwamba uhai ulikuwa umeondoka. Uhai wa mnyama ambao Mungu alikuwa ameagiza utolewe, ilikuwa ile damu iliyowakilisha ile ishara. Mnaona?

27 Mwa—mwa—mwabudu aliyeamini alitambulishwa pamoja na sadaka yake, kwa ile ishara. Sitaki kuchukua muda mrefu sana katika matamshi haya madogo; bali, ambapo waweza kuchukua ibada nzima kwa moja ya haya, bali nataka kukomea hapa kwa muda mdogo kusisitiza hayo. Mwa—mwa—mwamini alipaswa kujitambulisha kwa sadaka yake. Mnaona? Kama ni sadaka tu na—na ilifanyiwa mahali fulani kule nje, aliitoka; bali alipaswa kujitambulisha katika hiyo. Kwa kweli, ilimbidi kuweka mikono yake juu yake, kwanza, kujitambulisha na sadaka yake. Na ndipo damu ikawekwa mahali ambapo angeweza kusimama chini ya damu. Damu haina budi kuwa juu yake. Na hiyo ilikuwa ni ishara ya kwamba alikuwa amejitambulisha mwenyewe, mwenye hatia, na alikuwa amethibitisha ya kwamba kbadala kisicho na hatia kimechukua mahali pake.

28 Ni picha nzuri jinsi gani! Loo, aliyekombolewa! Mnaona, haki ilikuwa imetimizwa, na matakwa ya haki takatifu ya Mungu yalikuwa yametimizwa. Naye Mungu alisema, "Sasa nahitaji uhai wako," kisha ule—ule—ule uhai ulikuwa umetenda dhambi. Ndipo kbadala kisicho na hatia kikachukua mahali pake. Naye alikuwa ni mnyama mwenye damu; si tofaa, pichi. Hilo linapaswa kufanya uzao wa nyoka dhahiri sana kwa kila mtu, kwamba ilikuwa ni damu. Na damu hii, ambayo haingeweza kutoka kwenye tunda, ilitoka kwa kbadala kisicho na hatia. Na uhai ulikuwa umetoka, pia—pia, mahali pake, na ile damu ilikuwa ni mfano kwamba mnyama alikuwa amekufa na damu ilikuwa imetoka.

29 Naye mwabudu akijipaka damu juu ya nafsi yake, alionesha ya kwamba alitambulishwa katika ukombozi, kwa sababu amejitambulisha na ninii ... kwenye ile dhabihu, alijiunganisha na ile dhabihu, na damu ilisimama kwa ajili ya ishara.

Jinsi—ni ajabu iliyoje! Ni picha iliyoje! Ni mfano mkamilifu wa Kristo, hasa kabisa, mwaminio leo amesimama chini ya Damu iliyomwagika, akitambulishwa na ile Sadaka. Ni kamilifu tu kama—kama linavyoweza kuwa! Na jinsi Kristo, kwa kuwa ha—hakuwa mnyama... Mnaona, yule—yule mnyama alikufa, bali ilikuwa ...

Jambo lisilo na hatia sana tulilo nalo, nadhani, lingekuwa, yule—yule mnyama, mwa—mwana-kondoo. Wakati Mungu alipotaka kumtambulisha Yesu Kristo, Yeye alimtambulisha kama Mwana-Kondoo. Na wakati alipotaka kujitambulisha Mwenyewe, Yeye alijitambulisha kama ndege, Hua. Na hua ndiye asiye na hatia na msafi kuliko ndege wote, na mwana—kondoo ndiye asiye na hatia na msafi kuliko wanyama wote. Kwa hiyo mnaona wakati ninii ...

30 Yesu alibatizwa na Yohana, na Biblia ilisema, "Naye—naye akaona Roho wa Mungu, kama hua, akishuka juu Yake." Kwa hiyo kama ingalikuwa ... Kama ingalikuwa ni mbwa mwitu, ama kama ingalikuwa

mnyama mwingine ye yote, ma—maumbile ya hua yasingeweza kuchanganyikana na maumbile ya mbwa mwitu, wala ta—tabia ya hua haingechanganyikana na mnyama mwingine yeyote ila mwana-kondoo. Nazo hizo tabia mbili zikapatana, ndipo zingekubaliana moja kwa nyingine.

31 Sasa mnaona kuchaguliwa tangu asili? Alikuwa mwana-kondoo alipokuja pale. Mnaona? Mnaona? Ninii ... Alikuwa mwana-kondoo wakati a—alipoletwa. Alikuwa ni mwana-kondoo. Alizaliwa mwana-kondoo. Alilelewa, mwana-kondoo. Mnaona?

Na, kwa hiyo, huyo ndiye aina pekee ya Roho wa kweli anayeweza kupokea Neno, anayeweza kumpokea Kristo. Zingine zitajaribu, walijaribu kulipata, wakaweka Roho wa Mungu juu ya mbwa mwitu, mnaona, mwenye hasira, mwovu, duni. Hatadumu mle. Roho Mtakatifu huruka mara moja. Hatafanya hivyo.

32 Vipi kama huyo Hua alikuwa ameshuka, na, badala ya Yeye kuwa Mwana-Kondoo, kungekuwako na mnyama mwingine? Angaliruka upesi na kurudi. Mnaona? Bali alipotaka ile tabia ambayo ingepatana naye, wakawa tu Mmoja.

Ndiposa yu—yu—yule Hua akamwongoza yule Mwana-Kondoo, na, tazama, alimwongoza yule Mwana-kondoo hata machinjioni. Sasa, Mwana-Kondoo alikuwa mtiifu kwa Hua. Mnaona? Haidhuru alikoongozwa, alikuwa tayari kwenda.

33 Nashangaa, leo, Mungu anapotuongoza kwenye ma—maisha ya kujitolea kabisa kwa utumishi Wake, nashangaa iwapo roho zetu wakati mwingine haziasi, hiyo ikionyesha dhahiri ya kwamba, nashangaa iwapo sisi ni wana-kondoo? Mnaona? Mnaona? Mwana-kondoo ni mtiifu.

Mwana-kondoo hujitolea kuwa sadaka mwenyewe. Yeye—yeye ha—hachukui, hadai vilivyo vyake. Unaweza kumlaza chini na kumkata manyoya. Hicho ndicho kitu pekee alichochote nacho. Kamwe ha—haisemi chochote juu yake; hujitolea tu kila kitu alichochote nacho. Huyo ni mwana-kondoo. Anatoa kila kitu kwa ninii yake ... anatoa kila kitu, mwenyewe na yote aliyo nayo.

Na hivyo ndivyo Mkristo halisi alivyo, kama wana ... kujitolea wenyewe, hawajali chochote kwa ulimwengu huu, bali wanatoa yote waliyo nayo kwa Mungu. Mnaona?

34 Na sasa huyu alikuwa ndiye Mwana-Kondoo mkamilifu, Kristo alikuwa hivyo. Kisha kupitia kwa ile iliyomwagika ya mwana-kondoo huyu, yule mwana-kondoo wa kawaida kule Misri, damu ilipakwa, kisha, ilipopakwa iliwakilisha ishara, basi, Damu ya huyu Mwana-Kondoo ingewakilisha nini? Mnaona? Ile Ishara ya kwamba tumekufa kwa nafsi zetu na kutambulishwa na Dhabihu yetu. Mnaona? Ndipo, Mwana-Kondoo na—na—na—na ile Damu na mtu huyo hutambulishwa pamoja, Dhabihu na mwaminio. Mnaona, unatambulishwa maishani mwako, kwa Sadaka yako. Hilo linakufanya jinsi ulivyo.

35 Ndipo damu ilikuwa ni ishara, ama kitambulisho. Ile damu ilitambulisha ya kwamba mwabuduo alikuwa amemchinja mwana-kondoo, na kumkubali mwana-kondoo, na kujipaka ishara yeye mwenyewe, ya kwamba hakuona haya. Hakujali ni nani aliyeiona. Alitaka kila mtu aione, na iliwekwa mahali ambapo kila mtu anayepita angeweza kuona ishara hiyo.

Mnaona, watu wengi wanataka kuwa Wakristo, nao wa—wa—wanataka kufanya hivyo kwa siri kusudi mtu ye yote a—asipate kujua ya kwamba wao ni Wakristo. Ama, wa—wale wao wanaotembea pamoja nao, wengine wao wanafikiria, "Vema, tazama sasa, na—na nataka kuwa Mkristo, bali sitaki *Fulani* ajue hayo." Mnaona? Vema, sasa, mnaona, huo si Ukristo.

Ukristo hauna budi kuonesha Ishara yake, mnaona, hadharani, katika maisha ya hadharani, ofisini, barabarani, wakati kuna shida, cho chote kile, kanisani, kila mahali pengine. Ile Damu ndiyo Ishara, na Ishara haina budi kupakwa, mnaona, au (sivyo) hata agano halitumiki.

36 Ile damu ilikuwa ni ishara, ama kitambulisho, kumtambulisha mtu huyu kuwa amekombolewa. Sasa, vema, angalia, wao walikuwa, walikuwa wamekombolewa kabla ya jambo lolote kuwahi kutokea. Kwa imani waliipaka hiyo damu. Mnaona, kabla halijatukia kweli, damu ilipakwa kwa imani, wakiadini ya kwamba itatukia. Mnaona? Kabla hiyo hasira ya Mungu kupita nchini, ilibidi damu ipakwe, kwanza. Ilikuwa imechelewa sana baada ya ghadhabu kushuka.

Sasa tuna somo pale ambalo tungeweza kweli, labda kulileta kwenye wazo lako, kwa muda kidogo tu. Angalia, *kabla* halijatukia, kwa maana unakuja wakati ambapo hautaweza kupakwa Damu yo yote.

37 Mwana-kondoo aliuawa wakati wa jioni, baada ya kuwekwa siku kumi na nne. Na halafu mwana-kondoo akauawa na damu ikapakwa wakati wa jioni. Mnalipata? Ile ishara kamwe haikuwepo mpaka wakati wa jioni.

38 Na huu ndio wakati wa jioni wa wakati tunaishi. Huu ni wakati wa jioni kwa—kwa Kanisa. Huu ni wakati wa jioni kwangu. Huu ni wakati wa jioni wa Ujumbe wangu. Ninakufa. Ninaenda. Ninaondoka, katika wakati wa jioni wa Injili. Nasi tumepitia kwenye kuhesabiwa haki, na kadhalika, lakini huu ndio

wakati ambapo Ishara haina budi kupakwa. Niliwaambia Jumapili iliyopita nilikuwa na jambo ninalotaka kuzungumza nanyi; hili ndilo. Wakati ambapo wewe—huwezi tu kucheza Nalo. Haina budi kufanywa. Kama litatendeka, halina budi kufanywa sasa. Kwa sababu, tunaweza kuona ya kwamba hasira iko karibu kupita nchini, na kila kitu kutoka chini ya hiyo Ishara kitaangamia. Ile Damu, inakutambulisha. Angalia.

39 Kwa kuwa, uhai wa mnyama usingeweza kumrudia mwanadamu. Wakati damu ilipomwagika, uhai ulitoka, bila shaka, maana ulikuwa ni kitu kimoja. Na wakati damu ya uhai ilipomtoka, uhai ukiwa tofauti na damu ... Sasa, damu ni kemia ya uhai, bali uhai ni kitu tofauti na damu, bali uhai umo katika damu. Na uhai wa mnyama usingeweza kumrudia mwabudu. Alipomwaga hii damu ya mwana-kondoo, ilimpasa kupaka hiyo kemia, kwa sababu ule—ule uhai uliisha ondoka nao haungerudi.

40 Kwa sababu, haingeweza kumjia mwanadamu, maana uhai wa mnyama hauna nafsi. Mnyama hajui ya kwamba yu uchi, na yeye—yeye tu ... Yeye hatambui dhambi. Haijui, kwa hiyo ni kiumbe hai bali si nafsi hai. Kwa hiyo, uhai huo wa mnyama usingeweza kurudi juu ya uhai wa mwanadamu, kwa sababu haukuwa na nafsi katika uhai huo. Sasa, kuna uhai, damu; uhai, na nafsi katika uhai; nafsi ndiyo asili ya uhai. Kwa hivyo, hakuwa na tabia dhahiri, alikuwa mnyama, kwa hivyo ile damu ilikuwa ishara kwamba uhai umekwisha tolewa.

Lakini katika mahali hapa patukufu, chini ya agano hili, kuna tofauti kati ya Damu na Uzima. Ishara kwa ajili ya mwaminio leo ni Roho Mtakatifu; si damu, kemia, bali ni Roho Mtakatifu wa Mungu. Hiyo ndiyo Ishara ambayo Mungu anahitaji kwa Kanisa leo. Mungu hana budi kuona Ishara hii. Hana budi kuona katika kila mmoja wetu.

41 Kwa hivyo, vivuli vya jioni vinapojitokeza, na hasira iko tayari kushushwa kutoka Juu, juu ya mataifa yasiyomcha Mungu, na juu ya wasioamini wasiomcha Mungu, juu ya—ya wanaokiri wasio na chochote, juu ya mambo haya! Nami ni—nimejaribu kujionyesha wazi na kuishi maisha mema miongoni mwake, kuona ilikokuwa imesimama, kabla sijasema mambo haya. Sasa tunaishi katika vivuli, na hasira iko tayari kupiga, na Mungu anahitaji Ishara ya kwamba wewe mwenyewe umepokea Ishara Yake, Roho Mtakatifu. Ndiyo njia pekee, na ishara pekee ambayo Mungu atapita, kwa sababu ni Uhai halisi wa Yesu Kristo uliomrudia mwamini.

Uhai wa mnyama haukuweza kurudi, kwa hiyo damu ilipaswa kutiwa mlangoni, katika kizingiti na katika miimo ya mlango; kusudi kila mpitaji, watu wote, kila mtu anayepita karibu na hiyo nyumba, alijua ya kwamba kulikuwa i—ishara juu ya mlango huo, ya damu, ya kwamba uhai ulikuwa umekufa tayari hapo mlangoni. Amina!

42 Hivyo ndivyo inavyopaswa kuwa kwa kila mwamini leo, kujazwa na Roho Mtakatifu; Ishara ya kwamba Damu ya Mwana-Kondoo, ya kwamba ule Uhai uliokuwa katika yule Mwana-Kondoo, umekwisha kurudi na umetiwa muhuri ndani hapo, mbele ya watu wote, kusudi kila apitaye pale, anayezungumza na wewe, aliye na uhusiano wo wote nawe, ataona hiyo Damu imetiwa, na ile Ishara ya Uhai uliokuwa katika hiyo Damu uko juu yako. Uko salama na hasira. Hiyo peke yake; si uanachama. La, bwana!

Uhai wa mnyama usingeweza kuja juu ya mwamini, kwa sababu ulikuwa ni mnyama, na ulinena tu juu ya dhamiri, ikionesha ya kwamba kungekuja Dhabihu kamilifu.

43 Na, sasa, ingewezekanaje kuwepo na Dhabihu kamilifu kuliko Mungu Mwenyewe akifanyika Upatanisho, Mwenyewe? Mungu alipofanyika mwili, katika Damu Yake Mwenyewe inayoumba, hiyo ndiyo njia pekee ambayo Uhai wa Mungu ungaliweza kurudi.

Kwa maana, sisi sote tulizaliwa kwa kujuana kimwili, na kwa hivyo, uhai ulio mle ndani ni wa ulimwengu, na uhai huo hautadumu. Ni kitu ambacho tayari kimekwisha kuhukumikiwa na kulaumiwa. Hauwezi kuutengeneza. Hautengenezeki. Hakuna njia ya ku—kuulainisha. Hauwezi kuwa bora. Hauna budi kufa! Hilo ndilo tu linalohitajika. Hauna budi kufa.

Na badala yake, Uzima wa Yesu Kristo, hauna budi kuingia ndani yako, ambao ni Roho Mtakatifu, Ishara ya Mungu; ya kwamba umeikubali Damu ya Mwanaye, Yesu Kristo.

Kwa hiyo, katika siku za Wesley ama ... Siku za Luther, ilidhaniwa, “kuamini.” Katika siku za Wesley, “kemia ya Damu.” Lakini hii ndiyo siku ya mwisho, ambapo ile—ile Ishara inahitajika. Na hilo linafanya, pamoja, kitu chote kwa ajili ya Kunyakuliwa. Mnaona jambo hilo? [Kusanyiko linasema, “Amina.” — Mh.]

44 Maji, damu, na roho huja wakati mama anapomzaa mtoto. Kitu cha kwanza kutokea, katika uzazi wa kawaida, ni maji, cha pili ni damu, kinachofuata ni uhai.

Kulitokea katika mwili wa Bwana Yesu Kristo: maji, Damu, na Uhai. Na Kanisa lote, Bibi-arusi, pamoja, wamefanywa kwa kuhesabiwa haki, kutakaswa, na ubatizo wa Roho Mtakatifu, ambao ni Ishara.

45 Kama Waebrania 11 inavyosema, “Hawa wote walizunguka-zunguka wakivaa ngozi za kondoo na mbuzi, nao walikuwa wahitaji, na mambo haya yote waliyotenda, bali hawakukamilishwa pasipo sisi.”

46 Na Kanisa siku hizi, ambalo limepokea ile Ishara, ya Ubatizo wa Roho Mtakatifu, ya kwamba ile Damu imekwisha kumwagika, na ya kwamba Roho Mtakatifu yumo juu ya Kanisa; pasipo sisi, basi, hao hawawezi kufufuka. Bali wao wanatutegemea, kwa maana Mungu aliahidi atakuwa nayo, na mtu fulani atakuwa huko. Sijui itakuwa ni nani, bali mtu fulani atampokea. Nina jukumu moja tu, kuihubiri. Ni kazi ya Mungu kuangalia hiyo mbegu iliyochaguliwa tangu zamani. Watakuweco, hata hivyo. Kwa sababu, watakuwapo, kila mmoja wao, mmoja na mwingine; wakati wa maji, wakati wa Damu, na sasa wakati wa Ishara ya Roho Mtakatifu.

47 Na, kumbukeni, Israel walipitia mambo mengi, bali ulikuwa wakati wa jioni ambapo ishara ilihitajika; si asubuhi, si katika yale matayarisho, ya zile siku kumi na nne za kumweka yule mwana-kondoo. Israeli walijua kitu fulani kilikuwa kinakuja.

Vivyo hivyo Luther alijua, vivyo hivyo Wesley alijua, vivyo hivyo Finney, Knox, Calvin, walijua. Hili ndilo Hilo! Walijua utakuja wakati ambapo Nguzo ya Moto itarudi Kanisani. Walijua ungekuja wakati ambapo mambo haya yangetukia, bali hawakuishi kuona jambo hilo, bali walilitarajia.

Israel walijua jambo fulani lingetendeka, bali ilikuwa wakati wa jioni ambapo damu ya mwana-kondoo, ile ishara, iliwekwa mlangoni. Hata hivyo, mwana-kondoo alikuwa tayari ametolewa.

48 Amekuwa Mwana-Kondoo kote kote. Ilikuwa ni Mwana-Kondoo katika wakati wa Luther, ilikuwa Mwana-Kondoo—Mwana-Kondoo katika wakati wa Wesley, lakini sasa ni wakati wa Ishara ambapo kila nyumba haina budi kufunikwa na ile Ishara. Kila nyumba ya Mungu haina budi kufunikwa na ile Ishara. Wote walio ndani yake hawana budi kufunikwa na ile Ishara. Na Nyumba ya Mungu ni Mwili wa Yesu Kristo, na kwa Roho mmoja sisi sote tumebatizwa katika Ishara hii na kuwa sehemu Yake, ambayo, Mungu alisema, "Nitakapoiona Ishara hii imeoneshwa, nitapita juu yenu." Ni saa iliyoje tunayoishi sasa! Loo!

49 Damu ilimtambulisha, ikamtambulisha mwamini, kwa sababu uhai ulikuwa umetoka, usingeweza kurudi, kwa hiyo ilimbidi apate ke—kemia. Ilimbidi awe na rangi, damu, kemia iliyoonesha ya kwamba uhai ulitoka kwake.

Sasa Roho Mwenyewe Ndiye Ishara. Roho Mtakatifu Mwenyewe ndiye Ishara, si Damu. Ile Damu ilimwagwa pale Kalvari, hiyo ni kweli. Bali ile Damu, jinsi ilivyo, ilirudi kwenye vitu ilivyotoka kwake, kutoka katika chakula alichokula. Lakini, mnaona, ndani ya hiyo chembechembe ya damu kulikuwemo Uhai uliofanya hiyo chembechembe ya damu kufanya kazi. Kama ilikuwa ... Kemia haikuwa na Uhai ndani yake, yenyewe, na kwa hiyo haingeweza kusogea. Lakini wakati Uhai ulipoingia kwenye kemia ya damu, uliunda seli. Ukajitengenezea chembechembe Yake Wenyewe, kisha chembechembe baada ya chembechembe, ndiposa ikawa Mtu. Na Mtu huyo alikuwa ni Mungu, Imanueli, katika mwili. Bali uhai huo uliporudi, ile kemia ikaingia mle, bali ile Ishara ni Roho Mtakatifu juu ya Kanisa, wapate kumwona Kristo.

50 Haina budi kuwa hivyo, kwa maana mwanamke na mumewe huwa mmoja. Wao huwa mmoja. Na vivyo hivyo Bibi-arusi na Kristo wanakuwa Mmoja. Huduma ya Bibi-arusi, na huduma ya Kristo, ni ile ile. Na kumbukeni, "Kitabu kile cha kwanza, Ee Theofilo, nilichokuandikia, mambo aliyoanza Yesu kufanya na anaendelea kufanya." Kifo Chake hakikumzuia. La, bwana! Yeye alirudi tena. Si nafsi ya tatu, bali Nafsi ile ile ilirudi tena katika mfano wa Roho Mtakatifu, na kuendelea kufanya kazi; na anaendelea mbele, kasema Kitabu cha Matendo. "Yesu Kristo yeye yule jana, leo, na hata milele." Hiyo ndiyo Ishara. Hiyo ndiyo ishara.

51 Petro na Yohana walipopitia kwenye mlango uitwao Mzuri, palikuwa na mtu aliyekuwa kiwete, kilema toka tumboni mwa mamaye, naye akasema, "Mimi sina fedha, wala dhahabu; lakini nilicho nacho, ndicho nikupacho. Kwa Jina la Yesu Kristo wa Nazareth, simama uende." Mnaona? Nao wakazungumza nao na kujua ya kwamba walikuwa watu wasio na elimu, wasio na maarifa, bali waliwatambua ya kwamba walikuwa pamoja na Yesu. Mnaona, ile Ishara ilikuwa pale, ikioneshwa. Mnaona, "Nilicho nacho!" Walipoona maskini ndugu alieyeanguka amelala pale, kiwete, ameumbuka, na kila kitu. Na uhai ule ule uliokuwa katika Kristo ulikuwa ndani yao, "Nilicho nacho!"

"Katika Jina Langu mtatoa pepo." Si, "Mimi nitatoa!" "Ninyi mtatoa!" "Ukiuambia mlima huu!" Si, "Kama nikisema." "Ukiuambia mlima huu!"

Loo, ndugu, saa ya kuoneshwa hiyo Ishara imekaribia. Tunaweza kuiona. Tunajua ya kwamba tuko karibu na mwisho sasa. Tumeleta kila namna ya jumbe, kuonesha ishara na maajabu, na sasa hapa tunarudi kwa ajili ya yale Kanisa linayopaswa kufanya. Ile Ishara haina budi kuoneshwa. "Nitakapoiona ile damu, nitapita juu yenu." Hakuna kitu kingine kingefanya kazi. Haina budi kuwa ni ile Damu. Sasa, Roho Mtakatifu ndiye Ishara yetu, kutoka kwa Mungu.

52 Kama vile yule mwanatheologia mkuu, mwa—mwanachuoni, Ndugu Mbatisti, mtu mzuri, mwenye tabia nzuri, alivyonijia wakati mmoja, naye akasema, "Ndugu Branham," akasema, "unanena kuhusu huyu Roho Mtakatifu," kasema, "kwani, hilo si jambo jipya." Kasema, "Tumefundisha Hilo wakati wote, katika nyakati

zote." Nami ni—nilisema, vema, nita- ... Yeye alisema, "Tulimpokea Roho Mtakatifu."

Nikasema, "Ulimpokea lini?"

Akasema, "Nilipoamini." Maana, nilijua hiyo ilikuwa ni theolojia ya Kibatisti, ya kwamba wewe, unapoamini, unampokea Roho Mtakatifu.

Nikasema, "Basi Paulo alisema, katika Matendo 19, kwa kundi, kundi la Wabatisti, ambao, mhubiri Mbatisti aliyekuwa mmoja wa waongofu wa Yohana, alikuwa akithibitisha kwa Biblia ya kwamba Yesu alikuwa ndiye Kristo."

53 "Alipopitia pwani ya juu ya Efeso, akakuta wanafunzi fulani, akawaambia, 'Je! Mmempokea Roho Mtakatifu tangu mlipoamini?' Wao walisema, 'Hatujui kama kuna Roho Mtakatifu.'" Ndipo akauliza jinsi walivyobatizwa. Nao hawakuwa wamebatizwa katika Jina la Yesu Kristo, yule Mwana-Kondoo aliyetolewa kafara. Hawakutambulishwa pamoja Naye, hata kidogo. Waliamini tu; kama dawa iliyo pale, nao hawakuwa wameinywa. Paulo aliwaamuru wabatizwe tena, katika Jina la Yesu Kristo.

Na wakati alipofanya jambo hili, ndipo ile Ishara ikawajia. Walitambulishwa kwa kazi na ishara za Roho Mtakatifu, wakinena kwa lugha kupitia kwao, na kutabiri, na kumtukuzwa Mungu. Wao walijitambulisha kama—kama na Sadaka yao.

54 Na Roho Mtakatifu ndiye kitambulisho chetu. Ni kile kinachotutambulisha kama Wakristo. Si ushirika wetu kanisani, si ufahamu wetu wa Biblia, si jinsi unavyoijua Biblia. Ni jinsi unavyojua mengi kuhusu Mwandishi, mnaona, ni kiasi gani Mwandishi anaishi ndani yako. Ni—ni utu wako ukisha ondoka. Hauko tena. Unajihesabu kuwa umekufa, na ile Ishara ndiyo inayoishi ndani yako. Na siyo maisha yako; Ni Yeye.

Paulo alisema, "Uhai nilio nao sasa." Aliishi maisha tofauti na yale aliyofanya wakati mmoja. "Si mimi, bali Kristo yu hai ndani yangu." Hiyo hapo Ishara iliyotambulishwa ambayo Mungu alihitaji. Imetambulishwa na ninii yetu... Utambulisho na Sadaka yetu, Uhai wa Mwokozi wetu ndani yetu, Roho Mtakatifu.

Loo, ni—ni Ishara halisi iliyoje! Hakuwezi kuwa na Ishara nyingine tena. Jamani, laiti ungalipata wa—wazo lake. Laiti ningalikuwa na u—uwezo asubuhi hii, pamoja na maneno, kuliweza na kuliweka katika nafsi yako iliyo ndani; sio maskioni mwako, bali nafsini mwako, nawe—nawe ungeliona dhamana yake. Ina—inachukua, inakufanya ustarehe kweli kweli.

55 Vipi kama ulikuwa, ulikuwa umevunja sheria, nawe unaenda kushtakiwa mahakamani. Nawe unajua, ya kwamba kama ulipatikana na hatia, kwamba ungeuawa, ungepelekwa kwenye kiti cha stima, au chumba cha hewa ya sumu, ama mauaji yo yote ya hadhara ambayo wanalikufanyia, labda unyongwe, ama cho chote kile, kuuawa kwa hasira, adhabu yo yote ile. Nanyi mnajua ya kwamba mlikuwa ... Ulikuwa na hatia. Unajua ulikuwa na hatia, nawe huna budi kufa usipompata wakili wa kukuwakilisha, anayeweza kukuondoa katika jambo hilo. Na sasa ungetaka wakili bora sana ambaye ungeweza kuwa naye.

Na halafu kumpata wakili mzuri hivyo, aliye mwerevu, ungejisikia ya kwamba kesi yako ilikuwa kidogo...ungepumua kidogo, kwa maana, ulikuwa na wakili. Lakini hata hivyo kungalikuweco na swali, kama huyu wakili angalibadilisha wazo la hakimu ama abadilisha lile baraza la mawakili; iwapo huyu wakili, kwa maneno yake ya busara na ujuzi wa sheria angalibadilisha hayo, naye angalikutetea na kuthibitisha kwamba kwamba unapaswa kuishi. Lakini hata hivyo, mbali na uwezo wa—wake mkuu na matamshi yake makuu angaliweza kuyafanya, ushawishi angalikuwa nao juu ya hilo baraza la mawakili ama juu ya hakimu, wewe—unge—unge... Labda ungepumua kwa dakika chache, hata hivyo kungelikuwa na swali akilini mwako: "Je, atafaulu?"

56 Lakini katika kesi hii, Hakimu Mwenyewe anakuwa Wakili wetu. Mungu alifanyika mwanadamu. Hakukuwa na wakili angaliweza kufanya hivyo. Hatungeweza kumpata mmoja. Musa, na Torati, manabii, hakuna kitu kingeweza kufanya jambo hilo. Kwa hivyo Hakimu akawa wote pamoja Baraza la Mawakili, Wakili, na Hakimu, Mwenyewe; naye akatwaa haki ya Sheria Zake mikononi Mwake, kisha akalipa gharama yake, Yeye Mwenyewe. Tungekuwa salama zaidi jinsi gani? Naye akatuma Uhai Wake Mwenyewe juu yetu, kama shahidi ya kwamba ameukubali. Ni salama jinsi gani!

"Naam, nijapopita kati ya bonde la uvuli wa mauti, sitaogopa mabaya, kwa maana Wewe u pamoja nami."

57 Alipofanyika vyote viwili Hakimu, Baraza la Mawakili, na—na Wakili, Yeye alitutetea. Sisi, tuliopatikana na hatia kwa Sheria Zake Mwenyewe; naye akaja na kupachukua mahali pa mtu mwenye hatia, hiyo ilikuwa katika mahali patakatifu. Alichukua dhambi yake. Alizibeba nafsini Mwake, na alikufa, na kulipa ile gharama, alimwaga damu Yake, kisha alitoa Ishara Yake Mwenyewe, Uhai Wake.

Mbona, sisi ni wakamilifu. Kesi imeondolewa. Hakuna dhambi tena kwa mwaminio. Ee Mungu, turehemu, kama watu hawawezi kuona jambo hilo, ya kwamba hakuna kesi tena. "Yeye ayasikiaye

Maneno Yangu, na kumwamini Yeye aliyenipeleka, yuna Uzima wa Milele, naye hataingia hukumuni, bali amepita kutoka mautini kuingia Uzimani." Ndivyo ilivyo. Kesi imeondolewa! Hakuna kesi tena kwake. Amina! Basi tu salama, tu salama huku ile Ishara imepakwa, wakati mauti yatakapoanza kupiga-piga mlango huko nje, hayawezi kututawala. Mnaona? Naam.

58 Ile Ishara imekwisha kupakwa. Ishara tu ndiyo inayotambuliwa sasa. Unaona, Yeye alifanya hivyo kusudi ile Ishara iweze kuja. Ile Ishara ilikuwa Uzima wa Mungu.

Na wakati Mungu alipomfanya mtu wa kwanza, Yeye alimfanya mwana. Naye huyo mwana alikuwa mpotevu sana hata akamsikiza mkewe, badala ya Mungu, naye huyo mwanamke akamsikiliza ibilisi badala ya mumewe, halafu, hiyo ilipotendeka, ikawapotosha sana wote pamoja, hata ikasababisha unajisi. Naye alijua, ya kwamba walipofanya jambo hilo, itwabidi kuwaleta watoto ulimwenguni. Lile tunda katikati ya mti halingaliguswa, ndipo, basi, lilipoguswa, wakajiletea dhambi juu yao. Na kwa hiyo jamii yote ya binadamu, iliyozaliwa, ilikuwa katika dhambi. Hapo, hakuna njia ya kutoka.

59 Na ndipo Mungu akashuka. Kuna njia moja tu ya kumrudisha; hiyo ni kumfanya mwana tena. Naye anawezaje kufanya hivyo, huku Sheria Yake ilisimama pale ikisema "amekwisha hukumiwa"? Ndipo Baba Mwenyewe akawa mmoja wetu. Huyo ni Mwana-Kondoo halisi. Hilo ndilo kusudi alilokuwa nalo niani.

Hiyo ndiyo sababu Mwana-Kondoo alitambulishwa kabisa katika Bustani ya Edeni, akijua ya kwamba Mwana-Kondoo pamoja na Hua wanalikutana wakati mmoja, ambapo Mwana-Kondoo na Hua wangukuwa pamoja. Hapo ndipo Yeye alipojua, kupitia jambo hilo, sisi sote tunaweza kuwa pamoja. Naye alikuwa tayari kufanya toleo kama hilo, sasa, kusudi ile Ishara ipate kupakwa, ya kwamba sisi si wapitaji tena, sisi si wageni tena, bali sisi ni wana na binti za Mungu. Wote wawili Adamu na Hawa, mwanamke na mwanamume, wakiungana pamoja, ni wana na binti za Mungu, katika Kristo Yesu, kwa lile toleo Lake kuu

60 Na, basi, kusudi kusiwe na kosa lo lote! Ile mbegu ya maisha haya ambayo haina budi kupandwa duniani, ya mwili huu ni—ni mbegu iharibikayo; na ule uhai, kama ni uhai uliopotoshwa katika mbegu unaangamia pamoja na hiyo mbegu. Bali Yeye aliweka Uzima wa Milele ndani yake na kuutambua kama ni Wake, Mwenyewe, ili kwamba katika ule ufufuo, Yeye angeufufua tena, haitapotea. Mnaona ninalomaanisha? [Kusanyiko linasema, "Amina." — Mh.]

61 Hilo hapo, haliwezi kuangamia sasa. Uhai unakaa juu yake. Ni Ishara, hukaa juu ya huo mwili mdogo, hukaa juu ya nafsi ya mtu huyo. Kuna Ishara kule, Roho Mtakatifu, ya kwamba ni mali ya Mungu. Ni Yake. "Nitakapoiona Ishara, nitapita juu yenu." Ishara halisi, Roho Mtakatifu ndiye Ishara yetu. Kwa hiyo, unapompokea Roho Mtakatifu, umepita kutoka mautini kuingia Uzimani. Hivyo tu ndivyo ilivyo, maana Uzima umo ndani yako. Huwezi kuangamia tena.

Biblia ilisema, "Yeye aliyezaliwa na Mungu hatendi dhambi, kwa kuwa hawezi kutenda dhambi, kwa kuwa Uzao wa Mungu," amina, "Uzao wa Mungu unakaa ndani yake." Na anawezaje kutenda dhambi wakati Mungu asiye na dhambi yuko ndani yake? Anapokuwa katika Mungu asiye na dhambi, anawezaje kutenda dhambi? Haidhuru amefanya nini, Damu imemfunika. Mnaona? Yeye ni kiumbe kipya sasa. Shauku zake na tamaa zake ni za Mbinguni, kwa sababu amebadilika kutoka gugu kuwa ngano. Tamaa Zake hazifanani na zilivyokuwa wakati mmoja, naye anazionisha.

Unasema, "Loo, ninaamini Hilo." Na bado unafanya dhambi? Jamani! Umedanganywa. Mnaona? Haiwezi kuonesha kitu ila Ishara.

62 Israel waliamriwa kukaa chini ya ile damu hata amri ya kuanza safari ilipotolewa. "Msitoke chini yake!" Mara walipokuwa chini ya hiyo ishara, walitiliwa muhuri mle. "Msiache!" Walikaa pale pale, hata usiku wa manane ulipofika, na tarumbeta zikalia. Nazo tarumbeta zilipolia, na maskini zile pembe za kondoo dume zikaanza kulia, kila mtu alitoka pamoja na masurufu yake, akielekea kwenye nchi ya ahadi.

Vivyo hivyo na mwanamke na mwanamume aliyejazwa Roho Mtakatifu, yeye ametiwa muhuri na yu salama tokana na madhara yote na hatari. Maisha yake yote yanaonesha alivyo yeye, po pote aendapo, kazi yo yote afanyayo, ye yote anayezungumza naye. Anapokutana na wanawake, anapokutana na wenziwe, anapokutana na kila kitu, ile Ishara iko mle. Amina! Anapofika mautini, "Sitaogopa mabaya; kwa maana Wewe upo pamoja nami," hiyo Ishara inakaa pale. Inapokuja kwenye ufufuo, atakuwepo, kwa maana Mungu atamfufua katika siku ya mwisho. Yesu alisema hivyo! "Nitakapoiona ile Damu, ile Ishara, nitapita juu yenu." Loo!

63 Kumbukeni, kama hiyo Ishara haikuonyeshwa dhahiri, hata lile agano lilitanguliwa. Hiyo ni kweli. Agano lilitanguliwa. Hapakuwepo—hapakuwepo na agano mradi tu hiyo Ishara haikuwepo. Ishara ilisimama kwa ajili ya agano. Mungu alifanya agano pamoja nao, naam, bwana, bali Ishara ilipaswa kuwepo. Halikutumika, agano halikutumika, isipokuwa Ishara iwepo.

Huenda Wayahudi wengi wangesema, "Njoo hapa! Sina damu yo yote mlangoni mwangu, bali nataka kukuonyesha kitu fulani, mimi ni Myahudi aliyetahiriwa. Nimetahiriwa." Hilo halikumaanisha jambo *hilo*. [Ndugu Branham anadata kidole chake — Mh.] "Nitakapoiona ile damu! Nitakapoiona ishara!"

Huenda ukasema, "Mimi ni Mbatisti, Mpresbiteri, Mmethodisti," ama chochote unachotaka kuwa.

Lakini, "Nitakapoiona ile Ishara!"

Unasema, "Mimi ni mwamini. Mama yangu alikuwa mfuasi wa kanisa hili. Baba yangu alikuwa mfuasi wa kanisa hili. Nimekuwa mshiriki pale tangu utotoni." Hilo halimaanishi *hivyo*. [Ndugu Branham anadata kidole chake — Mh.] "Sisemi uongo, siibi. Sifanyi jambo *hili*. Mimi ..." Hilo halimaanishi *hivyo*. [Ndugu Branham anadata kidole chake.] "Mimi ni wa Maskani ya Branham. Ninafanya *hivi, vile, ama vinginevyo*. Ninaamini Neno lote."

64 Hao Wayahudi wangeweza kusema, "Ninamwamini Yehova!" Ungalisikiza Ujumbe wa wakati huo, kama ulimwamini. Hakika.

Walikuwa na jumbe nyingi sana, bali Huu ulikuwa ndio Ujumbe wa wakati huu. Mnaona? Ninaamini Ujumbe wa wakati huu. Naam. Ile damu ilipakwa wakati wa jioni.

Huenda walisema, "Mimi, mimi ni Myahudi."

Watu wanasema siku hizi, "Mimi ni Mkristo. Naweza kukuonyesha ushirika wangu wa muda mrefu. Nakutaka uniambie po pote nilipoiba cho chote, nikapata kuwa mahakamani. Nionyeshe mahali nilipopata kufanya uzinzi. Sijafanya mambo haya yote, ama kitu kama hicho. Nioneshe mahali pamoja." Hilo halimaanishi kitu sasa. La, la. Mnaona, haidhuru alikuwa na agano kiasi gani, agano hilo halitumiki. Haifai kitu.

Unasema, "Vema, mimi ni mwanafunzi wa Biblia."

65 Sijali wewe ni nani. Bila agano hilo, hasira ya Mungu iko juu yako. Mnaona? Hiyo ni kweli. Imekushika. Naam. "Dhambi zako zitakupata." Dhambi ni nini? Kutokuamini. Huamini Ujumbe. Huamini Neno. Huamini ushuhuda wa Ishara, Yenyewe, inapojitambulisha kati yetu. Nawe umekataa kuamini Hiyo? Haidhuru utakosa kuamini vipi, haina budi kupakwa.

Huenda ukasema, "Naamini Hilo. Ninaamini jambo Hilo. Ninaamini ni Kweli. Nakubali ni Kweli." Basi hayo yote ni mazuri, bali hata hivyo haina budi kuwekwa.

66 Naam, huyu Myahudi akisimama pale, akikoroga-koroga damu, huku mwana-kondoo anatokwa na damu, akisema, "Huyu ni Yehova,"

Naye kuhani alisimama pale, akisema, "Naam, bwana, naamini hiyo ni kweli," lakini nyumbani kwake mwenyewe, haijatiwa bado. Hataki kujitambulisha mwenyewe kule nje na hilo kundi; la, bwana, hawa washupavu wa dini wenye damu milangoni. Yeye hataki utambulisho huo. Haidhuru alikuwa kuhani vipi, alijua Neno vipi, walimlea vizuri jinsi gani, alikuwa amefanya kazi gani, alikuwa ametoa vipi kwa maskini, alikuwa ametoa sadaka vipi!

Paulo alisema, "Nikijitoe mwili wangu niungue moto, kama dhahabu; nitoe mali zangu zote kuwalisha maskini; niwe na imani ya kuhamisha milima, na kadhalika; na kunena kwa lugha, kama wanadamu na malaika; na mambo haya mengine yote," na akasema, "Si kitu mimi mpaka ile Ishara imekwisha pakwa. Mpaka Ishara hii!" Hilo ndilo ninalozungumzia usiku wa leo, ule upendo. Mnaona? "Naam, hadi hii itakapopakwa, si kitu mimi." Mnaona?

67 Sijali, huenda ukawa umetoa pepo. Huenda uliwaponya wagonjwa kwa maombi yako ya imani. Huenda umefanya mambo haya yote. Lakini kama hiyo Ishara haipo, uko chini ya hasira ya Mungu. Huenda ukawa mwamini. Huenda ukasimama mimbarani na kuihubiri Injili. "Wengi watakuja Kwangu siku hiyo, waseme, 'Bwana, Bwana, je, sikutoa unabii katika Jina Lako, nikahubiri katika Jina Lako? Je, sijatoa pepo katika Jina Lako?" Hao wote ni Wamethodisti, Wabatisti, na Wapentekoste. Yesu alisema, "Ondokeni Kwangu, ninyi mtendao maovu. Sikuwajua ninyi kamwe."

"Lakini nitakapoiona Ishara, nitapita juu yenu." Ndiyo masharti ya Mungu ya wakati huu. Ujumbe wa wakati wa jioni, ni kupaka Ishara.

68 Shetani amewatupia namna zote za maigizo, ya kupeana mikono na madhihirisho, na kila kitu hivyo. Sahau! Wakati umewadia ambapo ni Ishara, Yenyewe; si maigizo fulani, kujifanya kuamini vبادلিশو, cho chote kile.

Wakati umewadia ambapo Ishara Mwenyewe anajitambulisha mumu humu miongoni wetu, na kuthibitisha ya kwamba Yeye ndiye Yesu yeye yule jana, leo, na hata milele, naye yu pamoja na Neno. Haina budi kupakwa. Mtu anayesema kwamba ana Ishara, na anakana hili Neno, vipi basi? Mnaona, huwezi kufanya hivyo. Ishara haina budi kuweko. "Wakati mimi ... Damu hiyo itakuwa ishara kwenu." Sasa Roho Mtakatifu, Uzima uliokuwa katika ile Damu, ni Ishara kwenu. Iendeeni mara moja, mnaona. Roho Mtakatifu ndiye Ishara. Kesi imekwisha. Naam, bwana. Sasa, kumbukeni. Nami ...

69 Haidhuru wewe u nini, u mwema vipi, umeruka juu-chini mara ngapi, umejiunga na makanisa mangapi, umefanya mambo mazuri mangapi; haitakufaa kitu iwapo ile Ishara haijapakwa. Huu ni wakati wa jioni. Hayo yalikuwa sawa katika siku za Luther, hayo yalikuwa sawa katika siku za Wesley, lakini hayafai sasa. La.

Naam, kumuweka yule mwana-kondoo ilikuwa sawa, wakati huo. Wale waliokufa wakati huo kabla mwana-kondoo huyo hajatumiwa, damu, ilikuwa kitu kingine tofauti. Naam, bwana. Wao waliendelea kwa sababu ya dhamiri njema. Watahukumikiwa kana kwamba wao—wao walikuwa...

Kama walichaguliwa tangu awali, iliwagusa. La sivyo, haiwagusi. Hivyo tu. Ni Mungu tu. Yeye—Yeye huhesabia haki yule atakaye, humrehemu yeye amrehemuye, naye humhukumu atakaye mhukumu." Yeye ni Mungu. Hivyo tu. Humrehemu yeye amrehemuye, na kumhukumu anayetaka kumhukumu."

70 Myahudi angeonesha waziwazi, kwa tohara, ya kwamba yeye ni mwamini.

Kuna watu wengi, watu wa kiasili, wanaoweza kuchukua Biblia hii na kusema, "Mimi ni mwamini, naye Yesu alisema 'kwa imani' tumeokolewa. Pia mimi ni mwamini, bali huo ubatizo wa Roho Mtakatifu ni upuzi." Basi Ishara haijapakwa. Si hoja, haidhuru anaamini vipi, imetanguliwa.

Ni kama tu ile tohara ya Myahudi. Yeye anasema, "Mimi ni Myahudi. Kwa nini inanibidi kwenda huko nje na kutenda kama kundi hilo lingine la washupavu wa dini?"

71 Musa akisimama, huku na huko barabarani, akisema, "Ujumbe wa jioni upo hapa! Itakuwa ya kwamba, siku kumi na nne zitakapokwisha, mtakusanya kusanyiko pamoja na kumchinja mwana-kondoo. Kusanyiko lote la Israel watamchinja, wakiweka mikono yao juu yake, wakijitambulisha naye. Nayo damu itatiwa kwenye miimo, na kwenye vizingiti vya mlango, nami 'Nitakapoiona damu, nitapita juu yenu, kwa kuwa ni ishara ya kwamba mmekubali kifo cha mwana-kondoo niliyewapa ninyi?'" Ile damu ndiyo iliyokuwa ishara.

72 Sasa Roho ndiye Ishara. "Mtajazwa na Roho Mtakatifu si siku chache zijazo." Nayo Damu ilipomwagika, Ishara ikashushwa kwenye siku ya Pentekoste, kama upepo wa nguvu ukienda kasi.

Hicho kilikuwa ndicho kiini cha kila mtume. Hiyo ilikuwa, "Je! Mmempokea Roho Mtakatifu tangu mlipoamini? Tubuni, kila mmoja wenu, mkabatizwe katika Jina Lake Yesu Kristo, mpate ondoleo la dhambi zenu, nanyi mtapokea kipawa hiki cha Roho Mtakatifu, kwa maana ndiyo Ishara, amina, ya kwamba mmepita kutoka mautini kuingia Uzimani." Haya basi. Wakati hilo la Matai...Kana la Kiyahudi lilipotoweka, Mataifa yalichukua mahali pake, na huo upotovu hivyo; sasa limetokea, lipate kuchukua hayo masalio ya Mataifa, kwa ajili ya Jina Lake, Bibi-arusi.

73 Mnaona ninalomaanisha? Mnaona yale Maandiko yanachozungumzia hapa? Kama Ishara haikuoneshwa, basi lile agano halikufaa. Mnaona? Haina budi kuwa. Kwa sababu, kama ukisema unaamini, wala hufuati maagizo ya Neno, basi huamini. Mnaona? Hata ikiwa umetahiriwa, hata ukijiunga, na hata kama umebatizwa, umetenda mambo haya yote hivyo; hiyo bado siyo ishara, Roho Mtakatifu.

74 Huyu mwanachuoni bora akaendelea kunena nami, kama nilivyosema muda mchache uliopita. Akasema, "Billy," akasema, "Ibrahimi alimwamini Mungu, ikahesabiwa kwake kuwa haki. Mtu huyo angefanyaje zaidi ila kuamini hayo?"

Nikasema, "Hiyo ni kweli, daktari. Ni kweli. Yeye alimwamini Mungu. Biblia ilisema hivyo. Uko sahihi. Umbali uliofikia, uko sahihi."

Mradi tu wale wa—wa—wapelelezi kumi na wawili, waliotumwa kwenda kuipeleleza nchi ya Kanaani, mradi tu walikuwa wakielekea Kanaani, walikuwa wakiendelea mbele; bali walipofika mpakani, basi wakakataa.

Nikasema, "Ninyi Wabatisti mko sawa, umbali mlifikia, bali je, mmepokea Roho Mtakatifu tangu mlipoamini?" Nikasema, "Kumbuka, Mungu alitambua imani ya Ibrahimi. Yeye—yeye alimwamini Mungu, na ikahesabiwa kwake kuwa ni haki, hiyo ni kweli, lakini basi Mungu alimpa muhuri wa tohara, kama ishara, ishara kwake." Si kwamba mwili wake, uliotahiriwa, ulikuwa na uhusiano wowote na nafsi yake, bali ilikuwa ni ishara kwamba Yeye (Mungu alikuwa) ameitambua imani yake.

Naye anatupa ishara, ya Roho Mtakatifu, ya kwamba ametutambua kama waamini. Kwa kuwa, "Tubuni mkabatizwe kila mtu katika Jina Lake Yesu Kristo, mpate ondoleo la dhambi zenu, nanyi mtapokea kipawa cha Roho Mtakatifu. Kwa kuwa ahadi hii ni kwa ajili yenu!"

75 Mnafahamu sasa. Hao Wayahudi, haidhuru wangethibitisha mara ngapi ya kwamba walikuwa wametahiriwa, hata hivyo ishara ilipaswa kuoneshwa. La sivyo, lile agano halikufaa. Halikufaa.

Vivyo hivyo sasa, jambo lile lile. Haidhuru utafanyaje, haidhuru unaweza—unaweza kuifafanua Biblia vipi. Huenda ukawa mwanafunzi wa Biblia. Loo, jamani! Huenda—huenda ukasema, "Mimi ni mwamini, na kila kitu." Lakini hata hivyo Ishara inahitajika. Mwanafunzi wa Biblia, unasema, "Nilikuwa mtu mzuri, Ndugu

Branham.”

“Sijali mtu ye yote anasema nini, huwezi kumshinda mtu huyo. Sijapata kumwona akifanya jambo lolote baya, maishani mwangu.” *Hilo* halihusiani na Mungu. [Ndugu Branham anadata kidole chake — Mh.] Kuna sharti moja, na hilo pekee!

Wala huwezi kufanya hivyo. Huwezi kutia damu kwenye kizingiti cha mlango, ambapo, ishara haingalikuwepo isipokuwa mwana-kondoo amekufa. Na damu ilikuwa ni ishara dhahiri ya kwamba mwana-kondoo alikufa. Hakuna imani ya kujifanya; mwana-kondoo alikufa!

76 Roho Mtakatifu ni Ishara thabiti ya kwamba Mwana-Kondoo wako alikufa nawe ukapokea Ishara nafsini mwako, maana uhai Wake hasa umo ndani yako. Mnaona? Hakuna kujifanya kuamini. Hakuna kujifanya. Hakuna kuiga. Ipo! Unajua hivyo. Unajua hivyo. Ulimwengu unajua jambo hilo. Ile Ishara ipo.

Haidhuru mtu huyo alikuwa mzuri iliyoje. Huenda alikuwa mwanafunzi wa Biblia. Huenda ikawa ni ... Huenda ikawa ni m—mfuasi mzuri wa kanisa ye yote. Huenda ikawa ni mtu mzuri. Huenda ikawa ni ki—kiongozi wa kimadhehebu fulani. Huenda ikawa ni-ni mfumo wa uongozi wa Rumi. Si—sijui ni nani, si—haifai kitu.

77 Bali, Israel, mwanafunzi ye yote wa Biblia anajua ya kwamba Israel walikuwa mfano wa Kanisa, bila shaka, wakienda kwenye nchi ya ahadi. Na huko ndiko anakoelekea.

Bali wakati wa jioni ulipowadia, na safari ilikuwa imeanza, kulikuwa na sharti moja muhimu. Haidhuru alikuwa Myahudi vipi, jinsi alivyokuwa ameilinda mimea yake vizuri, jinsi alivyokuwa amewasaidia jirani zake, jinsi alivyokuwa ametenda mengi, jinsi alivyokuwa mshiriki mzuri, jinsi alivyokuwa ametoa fungu la kumi sana. Mambo haya yote yalikuwa mazuri. Hilo lilikuwa sawa. Yeye alikuwa ni mtu mzuri, aliyetambuliwa miongoni mwa watu wake, kama mtu mzuri. Bali bila ile ishara, ya damu, aliangamia.

78 Loo, Mungu na anisaidie, kwa wale walio humu na kwenye kanda, kusesitiza hilo!

Haidhuru, huenda ikawa ulihubiri Injili, huenda ikawa ulitoa pepo, huenda ikawa ulinena kwa lugha, huenda ikawa ulipaza sauti, ukacheza katika Roho, bali bila Ishara.

Unasema, “Je, naweza kufanya hivyo?”

Paulo alisema ungeweza. “Nijaposema kwa lugha kama wanadamu na malaika, nijapotoa mali yangu yote kuwalisha maskini, mwili wangu niungue moto kama dhabihu, nina imani kiasi cha kuweza kuhamisha milima, na mambo haya, si kitu mimi bado.” Usitegemee jambo hilo. Ni Ishara! Hata kama umetenda mengi vipi, u mwema jinsi gani; hasira ya Mungu itakaposhuka ghafla, itatambua tu Ishara.

79 Ni Ishara kwamba gharama imelipwa, ambayo ilihitajika. Na gharama iliyolipwa ilikuwa ule Uhai wa Yesu Kristo, naye alitoa Uhai Wake. Kisha Roho Wake akarudi juu yako, kama Ishara ya kwamba umepokelewa. Na unaibeba Ishara nafsini mwako, usiku na mchana, si Jumapili tu. Ni wakati wote, una Ishara. “Wakati mimi ... Damu hiyo itakuwa ishara kwenu.”

Unasema, “Ningali ninaamini. Mimi ni mwaminio.” Hilo ni sawa. Lakini kama ukikataa Ishara, basi utakuwaje mwamini? Inakupinga. Mnaona, inapinga ushuhuda wako, ya kwamba unaamini.

Mwanafunzi wa Biblia, mtu mzuri, mshiriki wa kanisa, hata uwe nani, haifai kitu. Naam, bwana. Labda baba yako ni mhubiri. Labda mama yako—yako alikuwa mtakatifu. Labda... Hiyo—hiyo ni sawa, hawana budi kujitetea wao wenyewe. Kama nilivyosema, jaribu ...

80 Watu wengi hujaribu kumfanya Mungu maskini babu mkubwa na mnene wa kale aliyepungukiwa na akili, mnaona, mwenye vijukuu kadhaa, kama tu akina Ricky na Elvis wadogo, na, “Hao hawana madhara.”

Si Mungu! Hana wajukuu. Yeye ni Baba. Inakubidi kuzaliwa mara ya pili! Yeye si mtu mpole sana.

Yeye ni Mungu wa hukumu. Biblia husema ya kwamba ndivyo alivyo. Hasira yake ni kali. Usikanyage juu ya Hayo na kutarajia wema wa Mungu siku moja ukuchukue, katika dhambi zako, na kukupeleka Mbinguni. Kama angalifanya hivyo, basi angaliwasamehe hawa wote hapa, na amchukue Hawa. Utaamini Neno Lake, la sivyo utakuwa ... utaangamia. Na unapoliamini Neno Lake, Ishara itakuwa juu yako. A-ha.

81 Mauti yalikuwa tayari kuipiga Misri usiku huo, wakati wowote. Ulikuwa wakati wa kuogofya sana; sherehe zao zote, sikukuu zao zote, na siku za kufunga.

Mungu alikuwa amewazuru. Mungu alikuwa ameonesha ishara Zake kuu na maajabu katikati yao. Ni kitu gani hicho? Sasa simama kidogo. Mungu alikuwa amewaonesha neema Yake. Alikuwa amewapa nafasi.

Hawangaliweza kuikataa, na waseme, “Lo, hamna kitu hapo. Ni upuuzi. Ni kitu fulani kule kwenya maporomoko ya maji, na kulikuweco na mlipuko wa matope me—mekundu yaliyorushwa juu, na hayo

ndiyo yaliyosababisha ile bahari kuwa nyekundu.” Ndipo mvua ya mawe ikaja. Ndipo wale vyura wakaja. Mungu alikuwa ameandaa mahali, na kuweka Neno Lake katika kinywa cha nabii. Na yale aliyonena, yalitimia, nao wakayaona. Wasingeweza kukana jambo hilo.

Kile Musa alichogagiza, hicho ndicho Musa alichopata, kutoka kwa Mungu, maana alinena tu Neno la Mungu. Yeye alisema, “Nitakufanya mungu.” Musa alikuwa mungu kwao. Mnaona? Hawakujua tofauti, kwa hiyo Yeye alisema, “Wewe utakuwa mungu, na Haruni atakuwa nabii wako. Mnaona, utakuwa kama mungu, kwa maana nitakuchukua, sauti yako, nami nitaumba kwa kukutumia wewe. Nami nitanena, nao watu hawawezi kuikana, kwa maana ndiyo hiyo papo hapo. Yale usemayo, yatatukia.” Loo, jamani! Haya basi. “Nitakuonesha mambo hayo.” Jamani! Loo, Nayo Misri ikayaona. Waliyaona kabla tu ya wakati wa jioni, ama mnamo wakati wa jioni.

Aliwaonesha wema Wake. Aliwaonesha angeuondoa, kuponya.

82 Wachawi walijaribu kutenda jambo lile lile, waigaji. Utawaona kila wakati. Kulikuwako na Yane na Yambre, walisimama pale. Bali lilipofikia jambo lenyewe, hawakuwa nalo. Hiyo ni kweli. Walifuatilia, kitambo kidogo. Bali baada ya kitambo kidogo, upumbavu wao ukawa dhahiri kwa watu wote.

Je, Biblia haisemi jambo lile lile litatendeka katika siku za mwisho, “kama Yane na Yambre walivyopingana na Musa”? Lakini upumbavu wao ulidhihirishwa, na ndivyo itakavyokuwa tena. Mnaona? Hilo hapo, watu wenye akili zilizopotoshwa, waliokataliwa kuhusu ile Kweli, Ukweli. Huenda wakawa na kusanyiko na mambo makuu na makuu, ya juu sana na mambo maridadi, bali ile saa itafika hatimaye.

Simameni imara na Ishara! Hivyo ndivyo Mungu anavyotaka tufanye. Shikilia Neno Lake. Usiondoke Kwake. Kaa moja kwa moja Nalo. Biblia imesema hivyo.

Mauti yalikuwa yakipiga. Mungu alikuwa amewaonesha rehema, akaonesha nguvu na ishara.

83 Sasa hebu na tusimame kwa dakika moja ama mbili, kwenye saa hiyo pale. Hebu na tufikirie tu akilini mwetu, nyuma, kile alichohidi kingetukia katika siku za mwisho. Nashangaa iwapo haingalitupasa tujichunguze, pia, mnaona?

Yeye alikuwa ametenda mambo haya yote, hata hivyo hawakutaka kutubu, ama kuamini Ujumbe wa wakati huo. Wangali hawakutaka kufanya hivyo, hata ingawa ilikwisha oneshwa mbele zao, na bila shaka ilikuwa imekwisha kutangazwa.

Nawe unapona mambo kama hayo yakitendeka, ni dalili ya hukumu inayokuja. Hukumu itafuata mambo hayo. Imekuwa hivyo daima, na hii haitakuwa tofauti. Mnaona? Hukumu huifuata neema. Rehema inapokataliwa, hamna kilichosalia ila hukumu. Kwa hiyo daima itaifuata.

84 Sasa, lile tukio. Kila tukio la kiroho ni ishara kutoka kwa Mungu. Kuweni wanalifu. Tazameni hilo, mnaona. Tazameni, kila tukio la kiroho, kila kitu kinachotendeka, ni ishara. Hatuko hapa kwa bahati mbaya. Mambo haya hayatukii tu kwa bahati mbaya. Ni ishara. Ni ishara, kupata—kupata usalama, upesi. Nuhu alikuwa ishara kwa kizazi chake; Elija alikuwa ishara kwa chake; Yohana alikuwa ishara kwa chake. Mnaona? Kila kitu, Ujumbe wa wakati huu, ni ishara. Uchunguze, tazama unachofanya. Mnaona? Ni ishara. Kila kitu kina maana yake.

Wala hakuna wakati mwingine ambao Ujumbe wa aina hii ungeweza kutukia. Haungalikuja katika siku ya Luther, haungalikuja katika siku za Wesley, hata haungalikuja katika siku za Pentekoste. Haungalifanya hivyo. Mnaona? Hakuna ... hakujatokea kitu kama hicho, na hata hivyo tuliahidiwa katika Biblia. Mnaona? Tuko mwishoni. Hamna kingalitendeka, haingalitendeka hata wakati huu. Nayo inatendeka kama ishara. Nashangaa ishara ni nini?

Loo, enyi watu wadogo, ndugu zangu, dada, ingieni chini ya Ishara hiyo, upesi. Mnaona? Usininii, usichukue kidadala cho chote. Msichukue, msichukue kidadala cho chote. Msifanye, msifanye, msifanye hivyo. Mnaona? Usiiwazie tu. Kaa mle hata utakapojua ya kwamba Ishara imekwisha pakwa, hata nia (yako yote) iliyokuwemo ndani ya Kristo iwe ndani yako, hata upuzi wote wa ulimwengu umeondoka, unaona, hata tamaa yote ya moyoni ni Yeye. Mnaona? Hivyo, basi, mnajua, ndiposa mnajua jambo fulani linatendeka. Yesu alisema, “Ishara hizi zitafuatana na hao waaminio,” si wanaojifanya waaminio, bali waaminio. Mnaona? Sasa, hatutaki kutwaa cho chote, kubahatisha juu yake; haikupasi kufanya hivyo.

85 Ujumbe wa wakati huu ni ishara kwa makanisa. Ni ishara kwa watu. Usi...je, mnafahamu? [Kusanyiko linasema, “Amina.” — Mh.] Natumaini, wanaosikiza kanda, ya kwamba wanafanya jambo lile lile, mnaona, na sehemu zingine ulimwenguni. Mnaona, ishara ya saa imewadia. Kuna ishara ambayo haina budi kupakwa, haingalikujika wakati mwingine wo wote.

86 Angalia maandalizi ya Mungu kwa ajili ya wakati huo. Sasa, tunajua ya kwamba Biblia ilisema, “Mambo hayo yote yalitendeka kwa jinsi ya mfano, mwaona, kwetu.” Tazama, Mungu alipojiandaa kuihukumu Misri, kwanza alifanya matayarisho. Alifanya nini wakati wa kwanza? Yeye kamwe habadilishi

utaratibu Wake.

Wakati wa kwanza, alipopata, alipofanya matayarisho Yake, alimtuma nabii akiwa na ujumbe. Jambo la kwanza alilowafanyia watu Wake lilikuwa kumtuma nabii mwenye ujumbe.

Jambo lililofuatia alilofanya, kumtambulisha huyu nabii, alituma Nguzo ya Moto kama utambulisho, kumtambulisha.

Na jambo la tatu alilotuma lilikuwa ni ishara. Hiyo ni kweli kabisa. Ishara, hiyo ishara ilikuwa na maana gani? Dhamana!

Kwanza, nabii Wake mwenye ujumbe; Yeye alijitambulisha Mwenyewe miongoni mwa...kwa—kwa Nguzo ya Moto pamoja na nabii Wake, halafu akatuma ishara, kuingia chini ya hii damu, ya kwamba tayari alikuwa amekubali hiki kibala cha mauti mahali pako. Kisha, Damu ilikuwa ishara ya kwamba alitazama, ya kwamba uliisha sikia ujumbe, ukaamini ile Nguzo ya Moto, na kwamba alikuwa amekubali lile badilisho alilokuwa amekuandalia, na ya kwamba ulikuwa chini ya ile damu ya ile kemia ya Uhai uliotoka kwa ajili yako. Jamani! Ni kamilifu vipi, ni jambo lililo kamilifu vipi, mnaona, wewe uko chini ya damu.

87 Sasa uko chini ya Roho, chini ya Roho Mtakatifu. Mnaona? Mnaona? Unauamini Ujumbe wa siku hizi, unaona, unaamini ule u—u—u—uweza, ile Ngu—Ngu—Nguzo ya Moto. Unaamini jambo hilo, mnaona, na unaamini.

88 Sasa, sasa angalieni, kuamini tu haitoshi. Si ku—ku... Kutembea karibu na mahali ilipo hakutoshi. Mnaona, hiyo ni kujiharibu zaidi, "Kwa maana yeye ajuaye kutenda mema naye hatendi, kwake ni dhambi." Mnaona, hao waamini wa kuishia mpakani, Yesu alinena jambo lile lile.

Waebrania, sura ya 6, "Kwa maana hao waliokwisha kupewa nuru, na kufanywa washiriki wa Roho Mtakatifu, na kulionja Neno zuri la Mungu, na zamani zijazo, wakaanguka baada ya hayo, haiwezekani kuwafanya upya tena hata wakatubu; kwa kuwa wamemsurubisha Mwana wa Mungu mara ya pili kwa nafsi zao, na kuifadhehi ile Damu ya agano, ambayo kwayo walitakaswa..." Ile kemia pale hutakasa. Hiyo siyo Ishara. Damu si Ishara sasa. Uhai ndio Ishara.

89 Uhai huo haungalikuweko, kwa maana ulikuwa wa mnyama. Kemia ndiyo iliyokuwa ishara, ilikupasa kutia damu yenyewe mlangoni. Lakini sasa ni Roho Mtakatifu. Tunafikia hilo, katika muda mdogo, kulithibitisha, mnaona. Uhai ndio Ishara.

Uhai wako umeondoka, nawe umekufa, na uhai wako umekufa. Umefichwa katika Mungu, pamoja na Kristo, ukatiwa muhuri mle na Roho Mtakatifu. Ile nia iliyokuwemo katika Kristo imo ndani yako. Na Kristo, na Biblia, na Neno, ni kitu kile kile. "Hapo mwanzo kulikuwako Neno, naye Neno alikuwako kwa Mungu, naye Neno alikuwa Mungu." Ndipo wewe, na Neno, na Mungu, na Kristo, ni kitu kile kile. "Na mkikaa ndani Yangu, na Neno Langu ndani yenu, ombeni mtakalo, litatendeka." Mnaona?

90 Akaweka uwezo kinywani mwa Musa, kuenda kule na Neno Lake na kunena, kisha vyura wakaja; nena, vyura wakaondoka; nena, chawa wakaja; nena, uhai—chawa wakaondoka. Amina!

Hata hivyo ishara ilihitajika kwa Waisraeli wote. Israeli wote walihitaji hii ishara. "Na nitakapoiona ishara, nitapita juu yenu." Loo, jamani, jamani! Ni dhamana iliyoje!

91 Israeli wakipanda kutoka Misri, walikuwa mfano, wa kilicho asili ya mfano siku hii. Misri ilikuwa kanisa, na Israeli iliwakilisha Bibi-arusi. Basi kama vile Israeli walivyotoka Misri, vivyo hivyo Bibi-arusi anatoka kanisani. Mnaona? Kwa sababu, hapana budi kuwe na kitu fulani kule apate kutoka ndani yake, na hana budi kutoka kwake, kwa hivyo, kama ilikuwa mfano. Ka—kanisa liko kule Misri, ulimwenguni na dhambini, na halijali ka—ka—kamwe kuhusu Ishara yenu. Hata hawaiamini. Bali Israeli waliipenda, kwa maana ilikuwa wokovu kwao. Loo! Loo! Inapaswa kutufanya tuwe na furaha, inapaswa kuifanya mioyo yetu... Loo!

92 Ipakeni, kanisa! Sasa msishindwe. Utafanya hivyo sasa? Msiache, msiache, msiache jua lichwe. Msi-, msi-, msi-, msipumzike, mchana na usiku. Msibahatishe. Haitafaa kitu, enyi watoto. Haitafaa kitu. Huna budi kuwa na Ishara!

Unasema, "Ninaamini. Naam, ninaenda. Mimi, naam, ninaamini Ujumbe. Mimi ..." Hilo ni sawa, lakini, hilo—hilo ni zuri.

Bali huna budi kuwa na Ishara! Mnasikia, Maskani ya Branham? Huna budi kuonesha Ishara! Bila hiyo, kuamini kwako kwote ni bure. Mnaona? Utaishi maisha mazuri; unasikiza Neno lisemavyo; unaenda kanisani, unajaribu kuishi ipasavyo; hiyo ni sawa, bali hilo silo. "Nionapo damu," hiyo ndiyo Ishara. Na Ishara hapa siyo ...

93 Kwa maana, nini, i—ilimbidi kuona kemia yenyewe, kwa maana uhai uliisha ondoka, u ... umetoka kwake, alikuwa mnyama.

Bali hapa ni Uhai Wake Binafsi uliokuwemo katika Damu. Nayo kemia ilikuwa tu ishara ama ishara ya utakaso, bali ule Uhai wenyewe ndio Ishara; kwa kuwa bila tohara, bila Ishara, wewe hata haumo katika lile agano. Kitu hicho chote kinafanya kazi pamoja. Ukisema umetahiriwa kwa Neno, nalo pekee, basi utaamini Neno; kama unaamini Neno, basi Ishara haina budi kuja, kwa kuwa Yeye alisema, "Tubuni mkabatizwe kila mmoja wenu katika Jina Lake Yesu Kristo, mpate ondoleo la dhambi, nanyi mtapokea kipawa cha Roho Mtakatifu." Haya basi. Loo, jamani!

94 Tazama basi yale maandalizi kwa ajili ya watu Wake wa nchi ya ahadi. Tazama yale aliyofanya. Kwanza, alikuwa na watu aliowaandalia nchi. Alikuwa amewaandalia nchi. Na sasa, aliwatumia matayarisho kwa ajili yake, kwa ajili ya watu wa nchi ya ahadi. Ilikuwa tu kwa ajili ya watu wale waliochaguliwa tangu awali kwa ajili ya hiyo nchi ya ahadi, siku ya Bibi-arusi Na vile alivyofanya hivyo, alimtuma nabii pamoja na ujumbe, akautambulisha kwa Nguzo ya Moto, na akatoa ishara kusudi wapate kujua yakini ya kwamba ilikuwa kweli. Hiyo ni kweli. Ilikuwa ni faraja yake.

Israeli, wakitoka Misri wakati huo, walikuwa m—mfano. Hii ni asili ya mfano, wa Kanisa likitoka katika madhehebu. Naam, si wote wanaofanya dhehebu. Ninamaanisha Bibi-arusi. Mnaona? Watu wengine, kuna baadhi ya walio huru, walio wabaya kama wa madhehebu, wakati mwingine wabaya zaidi.

Nazungumza kuhusu Ishara iliyopakwa. Ishara hukubaliana na kila Neno. Mnaona? Haina budi kufanya hivyo, kwa sababu ni Neno. . Ni Uhai uliokuwemo katika Neno. "Maneno Yangu ni ya Kiroho; ni Uzima," kasema Yesu. Mnaona?

95 Musa alipoanza huduma yake katika Israeli, kwa ishara kuu, waona, Israeli walikusanyika upesi toka kila sehemu ya Misri kuenda Gosheni, wakirudi nyumbani kwao, kwa maana walijua kitu fulani kilikuwa karibu kutendeka. Loo, ni mfano ulioje!

Loo, wanakuja kutoka Mashariki na Magharibi,
Wanakuja kutoka nchi za mbali, (hiyo ni kweli, mmesikia huo wimbo)
Kula pamoja na Mfalme, kula kama mgeni Wake,
Jinsi hawa wasafiri walivyobarikiwa!
Wakiutazama uso Wake mtakatifu
Unaong'aa kwa upendo wa Kiungu;
Washirika waliobarikiwa wa neema Yake,
Watang'aa kama johari katika taji Yake.
Loo, Yesu yuaja hivi karibuni,
Majaribu yetu yatakwisha hivi karibuni.
Loo, vipi kama Bwana wetu angekuja wakati huu
Kwa wale walio huru mbali na dhambi?
Loo, ndipo hilo lingekuletea furaha,
Au huzuni na kukata tamaa kukuu?
Bwana wetu atakapokuja katika utukufu,
Tutakutana Naye hewani.

Kuonesha Ishara! "Nami nitamfufua katika siku za mwisho." Hakika! Tuko katika siku hizo.

96 Watu walikusanyika Gosheni. Walikuwa tayari. Walijua jambo fulani lilikuwa karibu kutukia. Walikuwa tu kama ...

Wachukue bata, inapofikia wakati wa kukutanika, wote hukimbia pamoja. Wakati nyuki, na cho chote kile, wanapokuwa tayari, kuna silika inayowavuta.

Roho Mtakatifu huwavuta watu!

97 Loo, wakati ulipowadia wa kushuka kwa hasira ya Mungu, kila... Hapa wanakuja bata wawili, dume na jike. Hapa wanakuja bata bukini wawili, dume na jike; hapa wanakuja farasi wawili, dume na jike; kitu fulani kinawavuta, wale waliochaguliwa tangu asili. Wengine wote wakaangamia. Loo! Wengine wote waliangamia! Bali wale waliousikia huo mvuto wa kuingia, wao walijua ile safina ilikuwa imeandaliwa. Ilikuwa ni ishara ya kwamba mvua inakuja. Walijua mvua inakuja, haidhuru maonyesho yalikuwa nini na yale watu wengine waliyowazia. Wao walijua.

Kulikuwa na kitu fulani ndani yao, kilichosema, "Ingieni mle, upesi sana! Ingieni mle, kwa sababu hapo ndipo mahali pekee patakapokuwa salama." Kwa sababu, Mungu alimwandaa nabii, Yeye alituma safina kama ishara, kasema, "Ingia mle ndani," na mvua ilikuwa inakuja. Nao wakaingia moja kwa moja ndani mle, wawili wawili. Wanyama wote waliingia, wawili wawili, katika safina, kwa sababu walikuwa wameingia chini yake. Haidhuru hao wengine ...

98 Na wote nje ya safina hiyo wakaangamia. Wote nje ya ile ishara, ya damu, waliangamia, kila mtu. Na kila mtu aliye nje ya Ishara, wa Roho Mtakatifu, ataangamia.

Haidhuru ni wazuri iliyoje, ni washiriki wa kanisa wangapi! Kulikuwako na wengi wao katika siku za

Nuhu. Na kulikuweco na wengi sana katika siku za Musa; bali mtu aliyeshindwa kule kupaka damu, kama ishara, aliangamia. Wale walioshindwa kuingia katika safina, waliangamia. Wale wanaokosa kuingia katika Kristo, kwa maana Yeye ndiye Safina.

Wakorintho wa Kwanza 12, ilisema, "Kwa Roho mmoja sisi sote tumebatizwa kuwa Mwili mmoja." Ule wa siri, si kanisa; bali wa siri, si madhehebu, ule Mwili wa siri wa Yesu Kristo! "Kwa Roho mmoja," herufi kubwa R-o-h-o, Roho, "sisi sote tumezamishwa katika Mwili huu mmoja." Ndipo ile Ishara iko mlangoni, kwa maana wewe uko katika Kristo. Naye alikuwa Ndiye, Sadaka yako, Yeye aliyestahimili hukumu. Na wakati Mungu anapoangalia jambo hilo, Yeye hawezi kufanya jambo lolote. Wewe u salama salimini, kwa kuwa Mungu na Kristo ni Mtu yule yule, Roho alifanyika mwili akakaa kwetu. Na ndiye huyo hapo Mungu pamoja na Nafsi Yake, pamoja nanyi, watoto Wake Binafsi, katika Mwili ule. Naam, si kemia fulani, bali Roho! "Nitapita juu yenu."

99 Walitoka Misri yote, kukusanyika mahali hapa pamoja, kusudi waweze kuwa chini ya ishara hii.

Nao wametoka kwa Wamethodisti, Wabaptisti, Wapresbiteri, Waluteri, Wapentekoste, chochote kile, wapate kuwa chini ya Ishara. Ni kama tu vile ilivyokuwa wakati huo!

Ilikuwa ni Nguzo ya Moto iliyowakilishwa pale. Mmoja akamwambia mwingine, mwingine akamwambia mwingine, mwingine akamwambia mwingine, na, muda si muda, hapa hao wote wakaanza kuja. Walianza kuja, nao wakaiangalia ishara ya Mungu. Wao walisema, "Hukumu imekaribia."

Ndipo nabii akasema, "Nimesikia kutoka kwa Mungu. Kutakuwako na ishara. Nawe unaweka ile damu mlangoni. Mwue mwana-kondoo, uweke damu mlangoni, na hiyo itakuwa ni ishara, kwa sababu mauti yanakaribia kupiga."

100 Hebu niwaambie leo, kama mtumishi Wake, isipokuwa ile Ishara iko mlangoni, kuna mauti ya kiroho itakayopiga. Na makanisa yote yanaelekea kwenye—kwenye baraza, kwenye Baraza la Makanisa Ulimwenguni. Wote wanarudi kwenye Ukatoliki. Na ni wale tu walio wa kweli, waliozaliwa mara ya pili, watakabaki nje!

Kumbukeni, si madhehebu yenu ya Kipentekoste, maana tayari yamo ndani yake. Inaonesha wamekufa! Wameangamia. Walijitolea. Wamerudi nyuma. Wanamtoa nje ya mlango, bali Yeye anaitafuta Ishara. Kwa sababu, jambo pekee walilotegemea lilikuwa ni kunena kwa lugha.

Usitegemee kunena kwa lugha, hakuna kitu kingine. Lakini hebu na Ishara yenyewe iwepo, Utu wa Yesu Kristo, Uhai Wake Mwenyewe ndani yako. Usitahiri tu *hili*, na *lile*; bali utahiri utu wote, mpaka wewe na Kristo muwe Mmoja. Kristo yuko ndani yako, na Uzima Wake unaishi kupitia kwako.

101 Sasa, sasa, kutoka Misri yote! Na tazama sasa, tunapona waliyotenda, tunapona wakati ukiwadia, tumeagizwa kutenda jambo lile lile. Je! Mlijua hilo? Angalia yale nabii aliyosema.

Nasi tutasoma sasa, mkitaka kusoma, katika Waebrania sura ya 10. Na kama mkitaka kusoma pamoja nami, ninataka kusoma kifungu kimoja ama viwili hapa sasa kabla hatujaendelea. Waebrania sura ya 10, na hebu tuanze na kifungu cha 26 cha sura ya 10 ya Waebrania. La, mimi ... Hebu tuone. Naam. Naam, bwana! Waebrania, mlango wa 10, na kifungu cha 26, mnaona.

Maana kama tukifanya dhambi kusudi baada ya kuupokea...

Hebu tuone, nimekipata hicho sawa? Naam. Hiyo ni kweli. Naam.

...kama tukifanya dhambi kusudi baada...kuupokea ujuzi wa ile kweli, haibaki tena dhabihu kwa ajili ya dhambi.

Bali kuna kuitazamia hukumu kwenye kutisha, na ukali wa moto ulio tayari kuwaka kwa wapinzani.

Tazama hapa! Mtu aliyeidharau sheria ya Musa hufa pasipo huruma, kwa neno la mashahidi wawili ama watatu:

...ni adhabu iliyo kubwa zaidi, hata hivyo, kama ninyi, itakayomstahili mtu yule aliyemkanyaga chini ya miguu, chini ya miguu Mwana wa Mungu, na...kuihesabu agano la damu aliyotakaswa kwako kuwa ni kitu ovyo, na kumfanyia jeuri Roho wa neema aliyekuja kutoka kwa ile Damu?

102 Mhudumu, mshiriki, mtu mwema, mtu mwadilifu, chochote ulicho, nawe unajua ya kwamba Mungu amekuondolea sigara. Enyi wanawake, mnajua Yeye amechukua kaptura, na—na nywele fupi, na kila kitu, kutoka kwenu. Mnajua Yeye alifanya hivyo. Lakini basi ukigeuka na kuifanyia jeuri, kuihesabu ile Damu ya agano, kusema, "kitu kiovu," iliyokutakasa na kukuleta umbali huu!

Kama wale wapelelezi, kama walifika hapo mpakani, wakatazama kule ng'ambo, kisha wakasema,

“Vema, najua iko, bali pingamizi ni nyingi sana. Tunaonekana kama panzi,” waliangamia jangwani. Waamini wakwamia mpakani!

103 Usije tu umbali *huu*, useme, “Ninaamini Ujumbe.” Tii Ujumbe! Ingia ndani ya Kristo! Unasema, “Naamini kila neno lililosemwa, Ndugu Branham.” Hilo ni sawa, bali hiyo ni—hiyo ni uwezo tu wa kusoma.

Chukua Ujumbe, uingize moyoni mwako, ya kwamba huna budi kupata ile Ishara, Uhai ule ule uliokuwemo katika Kristo uwe ndani yako. “Nitakapoiona hiyo, nitapita juu yenu.”

104 Tunapoziona zile ishara kubwa za wakati wa mwisho duniani leo, tunajua hiyo ni kweli. Sasa tazama, nimengojea huu kwa muda mrefu, mrefu sana, Ujumbe huu kwenu. Mnaona? Nanyi mmeziona zile ishara za wakati wa mwisho. Nami nimewahubiria jambo Hilo, na kuwaonesha, kwa kila kitu Kristo alichosema. Hiyo ni kweli? [Kusanyiko linasema, “Amina.” — Mh.] Utakubali jambo hilo? [“Amina.”] Tuko katika wakati wa mwisho. Sioni kitu kilichosalia.

Mnasema, “Na ile alama ya mnyama, je?” Wale wanaomkataa Roho Mtakatifu tayari wametiwa alama na mnyama. Adhabu itakuja baadaye. Mnaona?

105 Katika Israeli, wakati baragumu ilipolia katika mwaka wa Yubile, kila mtu ... Je, ulimwona Kristo, katika kusoma hilo? Yeye alisoma tu nusu yake, kwa kuwa ni nusu yake tu iliyohusu wakati huo. Mnaona? “Alinituma kuwatangazia waliovunjika moyo, kutangaza uhuru, na kadhalika, mnaona,” bali, Yeye, “na mwaka wa Bwana uliokubaliwa.” Yaliyobaki, hakusoma—hakusoma hayo; akakiweka kile chuo chini, kwa maana hayo ni kwa ajili ya siku hizi. Mnaona? Alisoma tu sehemu yake, sehemu yake ilikuwa kwa ajili ya siku Zake.

Sasa hili ndilo atakalofanya leo. Hili ndilo analosema, kupitia kwa Roho Wake aliyetiwa mafuta, kwa kanisa leo. Wakati umefika. Sasa huu ndio wakati. Ipokeeni, enyi watu. Ipokeeni!

106 Nini! Tunazona zile nyakati kuu za mwisho, taa nyekundu zikimemetesha, kila mahali. Katika maumbile, tunaona maumbile yakimemetesha taa, “Wakati umewadia.” Tunauona juu ya Kanisa, ukimemetesha taa. Limehukumiwa. “Wakati umewadia.” Limo ulimwenguni. Tunauona mbi—mbinguni, baharini, juu ya mataifa, kila mahali; katika jua, mwezini, nyotani. Ishara!

Tunazona ishara za wakati wa mwisho za Roho Mtakatifu zikiwarudia watu. Kama ilivyokuwa katika siku za Lutu, jinsi Roho Mtakatifu alivyotenda kupitia mwili wa binadamu pale, huyo alikuwa Mungu aliyedhihirishwa katika mwili. Jinsi Mungu angejiingiza katika mwanadamu, Yeye Binafsi katika Bibi-arusi Wake katika siku hiyo, na kuonyesha ishara ile ile, Yesu alisema itakuwa vivyo hivyo katika siku za mwisho. Tunaiona. Tunaona Nguzo ile ile ya Moto. Hata sayansi imechukua picha Zake, na kadhalika. Tunaona ishara za wakati wa mwisho zimewadia. Tunajua ziko hapa.

107 Kisha, tunapona haya, iwapo mnaniamini! Kama hamniamini; aminini zile ishara, aminini Neno, kwa kuwa zinanena habari ninayowaambia. Kama siwaambieni Ukweli, hazingalizungumza. Mungu hatazungumzia uongo kamwe. Mungu hunena Kweli. Na Maneno haya yanashuhudia ya kwamba ninawaambia Kweli. Ndiyo yanayoshuhudia Ujumbe ninaouhubiri. Si yule Malaika kule chini mtoni siku hiyo, ambaye alisema, “Ujumbe wako utakutangulia kule kuja kwa pili kwa Kristo,” kazi zenyewe! Kama huwezi kuamini yule Malaika alisema Kweli; amini zile kazi, kwa kuwa Biblia ilisema mambo haya yatatendeka wakati wa mwisho. Ndizo zinazoshuhudia. Ndizo zinazonena kwa sauti kuu kuliko maneno yangu ama ya mtu ye yote yule. Ni Neno Lake. Zinashuhudia wakati huu.

108 Tunaona hizi ishara kuu na za kutisha juu ya watu, na ishara za wakati huu, duniani, na dhiki kati ya mataifa.

Tunaona Israeli katika nchi ya uenyeji wao. Ile bendera, ile Nyota yenye ncha sita ya Daudi, ikipepea, ndiyo bendera ya kale sana duniani, bendera ya kale sana ulimwenguni. Imekuwa taifa. Imekuwa na serikali. Ina raia wake. Iko kwenye Umoja wa Mataifa. Ina, ina, ina mambo haya yote. Iko kwenye Umoja wa Mataifa. Pia ina fedha zake yenyewe, kila kitu. Yesu alisema, “Kizazi hiki hakitapita, hata yote yatakapotimizwa.” Pia, kumbukeni, usiku ule ule Israel ilipofanywa taifa, ni usiku uo huo yule Malaika wa Bwana aliponijia kule ng'ambo. Hiyo ni kweli. Hapo sisi sote tuko.

109 Kila kitu kimeelekeza katika Kweli hasa. Sijawadanganya. Nimewaambia Kweli, na Mungu ameshuhudia ya kwamba nimewaambia Kweli. Sasa, kumbukeni, mimi ni ndugu yenu. Mimi ni mwanadamu, mnaona. Mimi ni mwanadamu tu kama ninyi nyote, lakini mtu fulani hana budi kuuleta, mtu fulani hana budi kuusema. Hilo halikuwa chaguo langu; ilikuwa chaguo Lake. Nami nimewaambia Kweli, naye amekwisha shuhudia papo hapo kwamba ni Kweli. [Kusanyiko linasema, “Amina.” — Mh.]

Nasi tunapona mambo haya duniani leo, lo, enyi watu, huu ndio ule wakati wa mwisho. Jivikeni hiyo ishara, upesi mwezavyo; au muingie katika Ishara, ingieni katika Ishara. Tunapona ishara kuu ya mwisho, na wakati ukikaribia, ukituonya, “Wakati umewadia.”

110 Loo, chukua hili kwa uchaji! Inatupasa kupendana sisi kwa sisi. Loo, jamani! Tunapaswa kuwa katika upendo sana! Kamwe msineneane mabaya. Kama mtu fulani akifanya kosa, mwombe upesi sana. Tuko pamoja katika jambo hili, pamoja na Mungu. Sisi ni ndugu na dada. Loo, ishini kitaua. Ishi, ishini kama binti za Mungu, ishini kama wana wa Mungu. Ishini mkiwa wazuri, wema, wanyenyekevu.

Hebu uovu wo wote usiingie mawazoni mwenu, katika fikira zenu. Ni ninii tu, uondoeni, tu. Ukipiga hodi mlangoni, uondoeni. Semeni tu, onesheni tu Ishara yenu, endeleeni tu kutembea, "Niko chini ya Damu!"

111 Kumbukeni, kuna wengi sana waliokwenda kwa wale wanawake usiku huo, wakasema, "Ewe, Gertie, Lillie, wengine wenu, tokeni twende, tunaenda kwenye karamu usiku wa leo."

"A-ha! Niko chini ya damu. Niko chini ya ishara, kukaa hapa. Upendo wangu ni kwa Muumba wangu. Mauti yamo nchini usiku wa leo."

Mauti yamo mchini usiku wa leo." Hukumu inangoja, ingali bado. Atomiki, hewa ya haidrojeni, na kila namna ya maangamizi, yanangojea mataifa.

Naye Mungu analiendesha Kanisa Lake, na kuonesha yote. Tumekuwa tukimweka yule Mwana-kondoo mpaka sasa kwa muda mrefu, tukitazama, tukiona yale Yeye anayotenda, tukitazama tabia Yake na kila kitu, bali sasa Ishara haina budi kupakwa. Haina budi kupakwa. Ndicho kitu pekee. "Mtu asipozaliwa kwa Roho, na kwa maji, hataingia kamwe." Na yawapasa kupendana. Waaminio wanapaswa kujitenga na ulimwengu. Usiichukue sasa kwa urahisi.

112 Basi, ninyi watu mnaosikiza Hili, kwenye kanda, enyi wanawake, enyi waume sikizeni kwa dakika moja. Iwapo mlipata kuniadini mimi, aminini sasa.

Ni wakati wa kuacha kuzozana mmoja kwa mwingine. Aminini Ujumbe wa Biblia! Mwaminini Yesu Kristo! Kisha pendaneni, stahianeni, na heshimianeni. Wanaume waheshimu wake zenu. Mnaheshimu nyumba zenu. Kusanya jamaa yako pamoja, kwa maana, kumbuka, huyu Mwana-Kondoo alikuwa kwa ajili ya jamaa, si mtu mmoja tu, ni jamaa nzima, pia, ilipaswa kuletwa. Kila kitu kilipaswa kuingizwa ndani. Inatupasa kupendana sisi kwa sisi. Na waamini wanapaswa kujitenga na ulimwengu.

113 Tazama, hawakuwa wamekusanyika kuzungumziana habari ya ujumbe. Walikutanika wapate kuitia ile damu, kuipaka ishara.

Hivyo ndivyo iwapasavyo kufanya. Mchungaji Neville, na kusanyiko hili, wadhamini, mashemasi, kwenu enyi ndugu, wakati umewadia kwetu kuweka kando upuzi wote wa ulimwengu, wakati umefika wa kuweka kando kila kitu. Tumeona ya kutosha sasa, hata tuna hakika, kabisa. Na Ishara haina budi kupakwa. Bila hiyo, utaangamia, huna budi kuangamia, hilo ndilo jambo pekee.

Jamani, msikusanyike, mkaseme, "Naamini." Ingia chini Yake, uingie ndani Yake! [Kukatizwa na mawimbi mafupi ya redio kunasikika—Mh.] Unafanyaje hivyo? "Kwa Roho mmoja tunabatizwa katika Mwili wa Yesu Kristo." Kila mtu aamini, kwa moyo wako wote. Mnaona? Yeye hakuhusika na mtu ye yote asiye kuwa chini Yake.

114 Ni nani huyo aliyekuwa akizungumza? [Mtu mmoja anasema, "Hiyo ilikuwa redio ya mawimbi mafupi, Ndugu Branham."—Mh.] Mawimbi mafupi kutoka juu? ["Yakija kupitia kipasa sauti"] Yakipitia kwenye kipasa sauti. Yameingia mle? Nalimsikia mtu fulani. ["Ndugu Branham, naamini ilikuwa ni wimbi fupi lililokuja kule nyuma."] Wimbi fupi, naam. Loo, wao—wao waliunganisha na redio. Nadhani wao... Loo, kwa magari? Samahani. Ninajua mtu fulani alisema jambo fulani. Na nilifikiri mtu fulani alitaka kuniambia kitu fulani, nao hawakukipata, mwaona, na hiyo ndiyo sababu ni—nilisema niliyosema. Nilikuona ukiangalia huku na huku. Nikasikia sauti. Nilifikiri mtu fulani aliinuka kusema jambo fulani, nami sikujua ilikuwa nini. Sasa, sasa, asanteni.

Lakini, aminini, ingieni chini Yake!

115 Israeli hawakukutana, wakasema, "Hebu na twende Gosheni leo. Tutaenda mpaka Gosheni. Panda juu ya ngamia wako, nasi tutachukua gari la ng'ombe. Kisha tutachukua akina Yona, hapa, na kadhalika, na—na akina Goldbergs, nasi tutapanda kwenda—kwenda Gosheni. Nanyi mnajua nini? Musa atazungumza leo." Hiyo haikuwa hivyo. La, bwana, ndugu! Ni, kuingia chini ya damu hiyo! Naam, hakika.

Si kuzungumza habari Zake, kuingia ndani Yake!

Mmoja wao asema, "Unajua, Bwana Goldberg, bila shaka hiyo ni Kweli."

"Naam, ndugu, ninaamini ni Kweli. Ninajua ya kwamba ni Kweli."

"Bw. Lavinski, unafikiri nini juu yake?"

"Ni Kweli kabisa! Niliona nguvu za Yehova Mungu zikinena. Niliwaona wale vyura wakitoka katika nchi

hiyo. Najua hayo hayakutendeka hata aliponena, nami najua ya kwamba huyo ni Yehova aliye Mungu." Sasa, hilo ni sawa.

"Je, umekwisha tahiriwa?"

"Naam, bwana!"

"Je! Wewe ni mwamini?"

"Naam, bwana!"

116 Ndiposa alipomsikia Mchungaji Musa akinena, siku hiyo, akasema, "Bali huna budi kuingia chini ya hiyo damu, kwa maana Mungu alisema, 'Ile damu ndiyo ishara.' Ni ishara! Haidhuru unaamini vipi, umetahiriwa vipi; hilo ni agano Mungu alimpa Ibrahimu, na kadhalika, hilo ni agano. Bali huna budi kuingia chini ya damu, hiyo ni ishara, kwa kuwa alisema, 'Nitakapoiona damu, nitapita.' Mwisraeli, ama ya yote yule!"

Uliye wa kidhehebu ama usiye wa kidhehebu, mmoja wenu, huna budi kuingia chini ya ile Damu. Mmethodisti, Mbatisti, Mpresbeteri, Mpotekoste, asiye wa kidhehebu, hata uwe nini, ni kwa ajili ya mtu binafsi. Huna budi kuja chini ya ile Damu. Sasa, usizungumze tu habari Zake; ipokee! Nisikilizeni! Nisikilizeni! Katika Jina la Bwana, nisikilizeni! Mnaona? Hauna budi kuja chini ya Damu!

Yeye hakuhusika na mtu ye yote aliyekuwa nje ya hiyo damu. Mungu alifanya hayo dhahiri ya kwamba wote waliokuwa nje ya hiyo damu waliangamia.

117 Nitumie Maneno Yake? Wote walio nje ya Kristo wataangamia. Unaingiaje ndani ya Kristo? Wakorintho wa Kwanza 12, "Kwa Roho mmoja!"

Sio, "kwa kupeana mkono kumoja, kwa ushirika mmoja, kwa dhehebu moja." Hivyo ndivyo wanavyojaribu kuifanya. Huenda wakafanya hivyo.

"Lakini kwa Roho mmoja sisi sote tumebatizwa kuwa Mwili mmoja." "Kama malaika kutoka Mbinguni akifundisha jambo lingine lo lote," Paulo alisema, "na alaaniwe." Huo ndio Ujumbe, ingia ndani ya Kristo!

Tazama, mtu ye yote aliyekuwa nje ya ishara, Mungu hakuhusika. Na Mungu hahusikani na mtu ye yote, mkubwa kwa mdogo, anayependwa na watu wote au asiyeependwa, tajiri kwa maskini, mfungwa ama aliye huru, mwanamume ama mwanamke; Yeye hahusikani na mtu ye yote asiye chini ya agano la ile Ishara. Yeye hahusiki.

118 Unasema, "Lakini, Ee Bwana, nimefanya *hili*. Nalitoa pepo. Bwana, nalifanya *hivi*. Ni—nilihubiri Injili."

"Ondokeni Kwangu, ninyi mtendao maovu. Hata sikuwajua ninyi." Yeye hutambua tu Ishara.

Mnasikia hayo? Sema, "Amina." [Kusanyiko linasema, "Amina!" — Mh.] Sasa, kwa hiyo ni juu yenu. Yeye ...

Nilipokuwa nimeketi huko mwituni hivi majuzi, nao hao vijana walikuwa wanashangaa, kasema, "Siku mbili zimepita, bado wewe..." Hata sikumpiga risasi kindi. Kasema, "Kuna nini?" Mnaona, hivyo ndivyo ilivyokuwa. Mnaona?

Kasema, "Iweke juu yao, juu yao." Kasema, "Umezungumza—umenizungumzia habari zake." Mnaona? Sasa basi iko mikononi mwenu. Iko kwenu.

119 Yeye hatatambua cho chote ila hilo Agano, la Roho Mtakatifu. Nawe hauwezi kupokea hilo Agano isipokuwa umeokolewa, ukatakaswa, kisha ukabatizwa kuwa katika ule Mwili. Yeye hawezi.

Huenda ukawa na maigizo, huenda ukajisikia vizuri, ukaruka juu chini, na kunena kwa lugha, na kucheza katika Roho. Hilo halihusiani nalo kamwe. Sikilizeni, katika Jina la Bwana! Mungu hatambui hayo. Makafiri hufanya hivyo. Wachawi hufanya hivyo.

Unasema, "Mimi ni msomi. Ninafanya *hivi*, *vile*, ama *vinginevyo*." Yeye hajali wewe ni msomi kiasi gani. Shetani ndivyo alivyo, pia, mnaona.

Yeye hutambua tu I—Ishara. Huo ndio Ujumbe wa wakati huu! Huo ndio Ujumbe wa siku hii! Huo ndio Ujumbe wa wakati huu! Katika Jina la Yesu Kristo, upokeeni!

120 Si ki—...kibadala, kitu ambacho ibilisi anaweza kuweka juu yako; kama upendo haramu, kumfanya mwanamume kumpenda mwanamke mwingine mbali na mkewe, ama mke kumpenda mtu mwingine mbali na yeye, ama baadhi ya mambo haya hapa, jambo la aibu. Huo si upendo halisi. Huyu ni Ibilisi. Hizo ndizo kazi zake. Ni kitu fulani amejaribu kukupa, badala yake; furaha, na kunywa pombe na kujisikia vizuri, kasema, "Nina moyo mzito; nitaenda zangu nikanywe vibaba viwili vya pombe, nipate kusahau." Hiyo ni mauti.

Mungu ndiye furaha yako. Mungu ndiye nguvu zako. Kujua Ujumbe, kujua Kweli, huo ndio utoshelevu wetu sasa. Yeye ndiye utoshelevu wetu wote. Ndani Yake, vitu vyote ninavyohitaji viko ndani Yake. Hiyo ndiyo nguvu yetu. "Msaada wangu unatoka kwa Bwana." Ninyi Wakristo, mtazameni Yeye kwa ajili ya furaha yenu, mtazameni Yeye kwa ajili ya nguvu zenu, mtazameni Yeye kwa ajili ya furaha yenu. Yeye ni amani yangu. Yeye ndiye furaha yangu. Yeye ndiye upendo wangu. Yeye ni Uzima wangu. Hilo ni Agano, Ishara juu ya mlango!

121 Yeye hawajibiki kwa mtu mmoja, mtu mmoja, hata uwe nani, Yeye hawajibiki kwa wale wasio chini Yake.

Na kumbukeni, jamaa yote ilipatikana, ikaletwa pamoja. Loo, jamani! Loo, kumbukeni!

Unasema, "Vema, baba yangu ni mhubiri. Ndugu yangu! Mchungaji wangu! Jamani ..." Hiyo inaweza kuwa ni kweli, pia, lakini vipi kuhusu wewe?

Kumbuka, ni salama tu wakati ile ishara ilipooneshwa! Kama mtu fulani alikuwa chini *hapa*, na mwanawe awe upande wa pili wa barabara, alikuwa hatarini. Angeangamia. Baba yake angeokolewa. Ama iwapo mwanawe alikuwa *humu*, na babaye kule, babaye angeangamia. Ishara tu! "Nitakapoiona ishara, nitapita juu yenu." Hilo ndilo jambo pekee.

Unasema, "Vema, mwanangu ni mhubiri." Ninyi akina mama husema, "Mimi nina mvulana aliye mwema sana, ama msichana aliye mwema sana. Nawaambieni, hao ndio walio wema sana. Wamejazwa na Roho Mtakatifu, na upendo kama huo! Wao ni watiifu. Sijapata kuona jambo kama hilo!" Vipii kuhusu wewe, mama?

Unasema, "Mamangu ndiye mtu mzuri sana. Ninajua, kama akifa, ataenda Mbinguni, maana yeye kweli ana Ishara, Ndugu Branham." Lakini vipi kuhusu wewe, dada? Familia nzima haina budi kuwekwa chini yake.

122 Je! Umechoka? [Kusanyiko linasema, "La." — Mh.] Nita- ... Ni saa kumi na mbili ... Dakika moja tu. Naweza kuukatiza na kuanza tena usiku wa leo. ["La."] Lakini kama m—mkitaka kungoja kidogo tu, nitajaribu kuharakisha sasa. ["Amina."] Nitaweka hili moja kwa moja ndani. Kwa maana, nafikiri, hivi sasa mnapokuwa na upako wake, ni vizuri zaidi kama mtaipata sasa hivi. ["Amina."]

Ni wakati tu Ishara inapooneshwa! Ndipo, familia yote haina budi kuwa chini ya Ishara hiyo, Damu. Baba na mama, ninajua jinsi mnavyojisikia. Nina watoto, pia, sina budi kuwaona wameokolewa. Ninaongea peke yangu leo. Mnaona? Nina ndugu. Nina dada. Nina wapendwa. Na—nataka kuwaona wameokolewa, pia. Bali, kumbukeni, bila kuoneshwa kwa Ishara, wao wataangamia. Hamna ufufuo kwao. Hiyo ni kweli. Wamepotea. Ni wakati tu Ishara inapooneshwa!

123 Angalia, Yoshua, laiti tungalikuwa na wakati wa kulisoma. Iandikeni, Yoshua sura ya pili; yule kahaba wa Kimataifa aliyeamini, Rahabu.

Loo, natamani tu ingekuwa yapata saa tatu. Ningetaka—ningetaka kuchukua hilo na kuwaonesheni jinsi hayo yalivyokuwa kule, mnaona. [Kusanyiko linasema, "Chukua wakati." — Mh.]

Huyu kahaba, Mmataifa, angalieni, jamaa yake yote. Alikuwa ni mwamini. Jamaa yake yote ilipaswa kuingia chini ya hiyo kamba nyekundu, hiyo ishara. Ilibidi waende chini yake, kwa kuwa wangeangamia. Walikuwa wamesikia juu ya hasira ya Mungu. Waliisha sikia habari za kule kuoneshwa kwa zile ishara na miujiza ya Mungu kati ya watu Wake, nao iliwapasa kuipokea. Ilimbidi kuipokea. Mungu, yule malaika wa Mungu wa kuangamiza, alikuwa yuaja. Walijua jambo hilo. Naye Yoshua alikuwa ni yule malaika. Walikuwa kwenye mstari.

Na ndivyo ilivyo kwa kila taifa, ulimwenguni, katika mstari wa Hukumu ya Mungu!

Maskini kahaba huyu aliisha sikia. Imani huja kwa kusikia! Akasema, "Nchi yote inafadhaika kwa ajili yenu." Hiyo ni kweli.

124 Sasa, wale wapelelezi waliotumwa kule kufanya mipango, na kadhalika, aliwaheshimu watu hao. Na, yeye, alitaka kuokolewa. Akasema, "Ninajua ya kwamba Mungu wako ni Mungu, nami nimesikia mambo makuu ambayo Yeye amefanya. Najua alivyomtendea Ogu, nami najua alivyoyatendea mataifa mbalimbali. Nami ninaona ya kwamba wale wanaomkubali Yeye wameokolewa, na wale wasiomkubali wanaangamizwa. Nami ninataka kuishi," akasema. Loo, jamani! Haya basi. "Nataka kuishi." Kwa maana wao wanainii tu ...

125 Yeriko ilikuwa imekwisha sikia yale Mungu alikuwa anafanya, bali hawakujali onyo.

Na hamna dhehebu nchini humu, kila mahali, ila lile ambalo limesikia yale Mungu anafanya. Hawataki kujali onyo.

Nguvu Zake kuu na ishara zilikuwa zimeoneshwa. Aliyofanya, Yeye alivuka Bahari ya Shamu, kana

kwamba ilikuwa nchi kavu. Alisababisha, aliumba vitu, na kuwafanya vyura, na chawa, na viroboto kuingia hewani; akaviumba kwa Neno Lake, kupitia kwa nabii Wake. Hiyo haikuwa siri. Wanajua hilo.

Naye Rahabu akasema, "Nimekwisha kusikia hayo Sitaki kuangamia pamoja na hawa wasioamini. La, bwana!" Alijua hukumu haina budi kufuata, kwa sababu wao walikuwa tayari kabisa. Yeye alijua hilo. Kwa hivyo, wao wakamtengenezea njia ya kuiepukia.

126 Hapana shaka waliamini ya kwamba dhehebu lao kubwa la Yeriko lingeliweza kustahimili hasira ya Mungu, mnaona, dhehebu lao kubwa.

Hivyo ndivyo wengi wao wanavyowazia leo. "Loo, hakika Mungu hatafanya jambo hilo." Hivyo ndivyo Shetani alivyomwambia Hawa. "Loo, hakika Mungu hatafanya hivyo." Yeye atafanya hivyo, maana Yeye alisema angefanya, mnaona, na hilo ni Neno Lake. Naam, bwana.

"Mtu asipozaliwa!" "Na ishara hizi zitafuatana na hao waliozaliwa!" Mnaona? "Hivi watu wote watajua ya kwamba ninyi ni wanafunzi Wangu," na kadhalika, mnaona. Vema, alitaka kufanya hivyo. Loo!

127 Ni kitu gani kilichotukia? Sasa walikuwa wamefungwa. "Hakuna ufufuo utakaotendeka hapa. Madhehebu yetu hayatadhamini mambo kama hayo. Hatutakuwa na upuuzi kama huo miongoni mwetu. Ninawakataza yeyote wenu kwenda kwenye mkutano huo." A-ha! Yeriko, moja kwa moja kwenye mstari wa waliolaaniwa!

Lakini bila shaka kulikuweco vijana wa kanda waliojipenyeza mle mahali fulani, kwa ajili ya mzao aliyechaguliwa tangu awali. Wakaingia nyumbani kwake na kucheza kanda. Alijifanyia nyumba yake—yake kanisa, kuupokea ujumbe.

Wangali wanazo, mwajua. Ujumbe ukamfikia yule Mzao aliyechaguliwa tangu asili, kwa vyovyote. Hatujui jinsi ulivyoingia kule, bali ulifika kule, kusudi wenye haki wasiangamie pamoja na wasio haki. Mungu anashughulikia hilo, leo. Naam, kwa njia moja ama nyingine huingia mle kisiri. Hatujui ni vipi. Ingawa hawataudhamini, bali mna Mzao fulani mle aliyechaguliwa tangu awali.

128 Mtu ye yote anayejua cho chote kuhusu Biblia, anajua ya kwamba huyo kahaba alikuwa amechaguliwa tangu asili. Bila shaka alichaguliwa! Yeye hakuninii ... Biblia ilisema, "Yeye hakuangamia pamoja na hao wasioamini." Hiyo ni kweli. Lakini yeye aliamini ujumbe wa wakati huo.

Naye Mungu akampa ishara, kwa wajumbe Wake. Kasema, "Chukua kamba nyekundu sana, ukaifungie kwenye..." Kasema, "Kumbuka, usipofunga hiyo kamba nyekundu hapo, au kuiacha hapo, ambayo kwayo tumeepukia, hatuhusiki kwa kiapo chetu." Nao wakasema, "Iwapo hamko chini yake, sisi nasi hatuhusiki." Loo, jamani! "Rahabu, kila mzao aliyechaguliwa tangu awali humu, nenda kule nje ukawatafute. Mchukue baba yako, mama yako! Kwa maana, tumetoka hivi punde tu, chini ya huo upatanisho, kule Misri, na kila kitu ambacho hatukuweka chini ya hiyo ishara kiliangamia. Rahabu, ninakupa ishara. Ni ishara. Nami ninasema, katika Jina la Bwana, kama kusema, iwapo mtaweka hiyo! Najua hiyo habari, pamoja na huyo mjumbe. Namjua yule malaika wa ghadhabu, Yoshua. Ndiye mjumbe wa Mungu anayeangamiza. Ninamfahamu, naye anajua kutakuwa na ishara ya dalili. Nanyi ining'inizieni mle, nami nitawahakikishieni. Ninakula kiapo." Kisha Mungu akaapa, pia, ya kwamba cho chote ambacho hakitakuwa chini yake kingeangamia, na wote waliokuwa chini yake watakuwa hai.

129 Na sasa, kiapo hicho hicho kiko leo, jambo lile lile, waona, "Sitawaacheni muangamie pamoja na wale wasiouamini Ujumbe huu." Nao ...

Yeye alisikia habari ya kazi iliyokwishafanywa, naye akaamini. Lakini, yapata, yeye alikuwa... Yeye pamoja na baba yake, na baadhi ya ndugu zake, au cho chote kile, ndio tu walioamini, katika mji mzima.

130 Mnaona walivyo wachache? Mmoja tu *hapa* na *pale*, jamaa ndogo itatoka katika jimbo zima. Hiyo ni kweli? [Kusanyiko linasema, "Amina." — Mh.] Hakika sasa, hapa tunazungumza mambo ya kweli. Tunaninii ... Iwapo utaona vile jambo lenyewe lilivyo, huna budi kuona vile mfano ulivyo kuwa kwanza. Huna budi kuona vile kivuli kilivyo, ndipo utajua jinsi jambo lenyewe litakavyoonekana. Mnaona?

Nguvu Zake zilizidhihirishwa. Hukumu ilikuwa inakuja. Hawana budi kuamini, kusudi wapate kuokolewa. Naam, bwana. Na hawa wadogo ...

131 Hawa watu wakaingia mle; hawa wajumbe, na—na kuwapata wale wazao waliochaguliwa tangu asili ambao waliamini. Alitumia nyumba yake kama kanisa, kuwapokea wajumbe hawa. Wao hawangaliwaruhusu kuingia katika makanisa hayo. La, bwana. Mnaona? Kwa hiyo yeye ...

Hawatakuruhusu, pia. Watawafukuzeni mkisema cho chote juu yake. Naam. Mnaona?

Walikusanya wote katika jiji lake, ambao waliamini, chini ya ile ishara.

Hivyo ndivyo hasa tunavyopaswa kufanya leo. Ukitaka wapendwa wako fulani waokolewe, yafaa

uwaingize ndani hivi sasa. Mnaona?

132 Wakati laana ya Mungu ilipoliharibu hilo jiji kubwa, ile alama ya ishara iliisalimisha nyumba yake. Amina. Nini? Hiyo alama ilikuwa kwenye ishara yake... Ama, ile ishara ilikuwa juu ya nyumba yake, wakati jiji nzima lilipoporomoka kabisa. Ilikuwa ni kitu gani? Ilikuwa ni kitu gani? Yoshua, mjumbe wa Mungu! Mungu Mwenyewe alitambua ujumbe wa mjumbe Wake. Amina! Iliuthibitisha. Iliuthibitisha. Waliutambua ujumbe. Yeye aliutambua ujumbe wa mjumbe Wake. Na wakati jiji lote lilipoporomoka kabisa, ile kamba nyekundu ya Rahabu ilikuwa mlangoni bado, na wengine wote walitoweka.

Ndipo, mara baadaye, wakaondoka malaika wanaoangamiza wakaangamiza kila kitu kilichokuwa katika jiji lile, hamna hata chombo kimoja kilichosalia. Mtu mmoja alichukua chombo kidogo, naye akaangamia pamoja nacho, kutoka katika hilo dhehebu. Akachukua kitu hicho chote na kukiangamiza! "Alaaniwe mtu ambaye atajaribu kamwe kulijenga tena. Mzaliwa wake wa kwanza atakufa atakapoanza," na kadhalika. Mungu alikilaani hivyo, kitu hicho kikubwa kilichoukataa ule ujumbe wa ne-...ujumbe wa neema na rehema, walidhani walikuwa salama salimini.

133 Watu wengi wanafikiri, leo, "Kwa sababu mimi ni mfuasi wa kanisa, niko salama." Msiamini upuuzi kama huo.

Huku, "Ile Damu itakuwa ishara kwenu." Roho sasa ndiyo Ishara kwenu, ule Uhai uliokuwemo katika Damu.

134 Vivyo hivyo, hebu na tuwazie ya kwamba, ishara ile ile waliyoitumia kule Misri, ishara ile ile ya uhai iliyokuwa Misri, iliyokuwa Misri, Mungu alitumia mfano ule ule kule. Yoshua, mfano mkamilifu wa Yesu, alikuwa mwaminifu kwa ile alama ya ishara ambayo wajumbe wake walikuwa wamehubiri. Yoshua, aliposema hivyo, alisema, "Usiiguse hiyo nyumba wala cho chote kilicho ndani yake. Imehifadhiwa kwa Bwana." Amina!

Mmataifa, kahaba, mzurura mitaani, bali alisikia na kuamini, naye akaweka ishara.

Haidhuru jinsi umedidimia dhambini, uliyotenda, hiyo si kitu. Weka ile Ishara. Ni kwa ajili yako. Kama ukisikia moyoni mwako kuna kitu kinachovuta, ni kwa ajili yako. Paka Ishara. Naye Yosh-...

135 Neno *Yoshua* linamaanisha "Yehova-mwokozi." Vivyo hivyo na *Yesu*, maana yake ni "Mwokozi." Na, Yoshua, alipowajua wajumbe wake ...

Wajumbe wake walirudi, wakasema, "Nimezitii amri zako. Nasi tulimpata mwanamke kule, tulipozicheza kanda, wajua. Tulimpata mwanamke aliyeamini. Nasi tukamwambia, ya kwamba wote watakaokuja chini ya hiyo alama nyekundu kule nyuma, ile ishara, ingemaanisha. Sasa nimehubiri jambo hilo. Utaliheshimu, Yoshua?"

"Naliwatuma kufanya hivyo." Amina.

Na Mungu alipotimiza hilo, hiyo nyumba haikuporomoka. Ndipo Yoshua aliposimama pale na kutoa ishara wakiangamize kitu hicho chote, wakaenda moja kwa moja, naye Rahabu pamoja na watu wake wote waliketi sawa, na mali zao zote, amina, amina, mali zao zote zilikuwa nyumbani, salama. Walisimama tu pale, na haikuwalazimu kuangalia dirishani. Wangeweza kusoma Maandiko wakati vita vikiendelea.

Mwanamke akarudi akaposwa, akaposwa na Jemedari jeshini, na akatunzwa, akaja Bethlehemu, na akagawiwa sehemu yake kati yao. Naye akamzaa...akamzaa mwana wa kiume mashuhuri, naye huyo mwana mashuhuri akamzaa mwana mwingine mashuhuri wa kiume, naye huyo mwana akamzaa mwana mwingine mashuhuri wa kiume, mpaka yule Mwana mkuu na mashuhuri alipokuja. Tangu kule nyuma, na kuendelea hata Obedi, na kuendelea kupitia kwa Yese, hata kufikia Daudi. Hiyo ni kweli, kahaba Rahabu, kwa kuwa alimwamini yule mjumbe. Akaweka ile ishara, nayo nyumba yake ikaokolewa, ama angaliangamia kule chini alikokuwa.

136 Sikilizeni kwa makini sasa. Loo, nasema, mnaitambua? Wote waliokuwa chini yake waliokolewa kule Misri. Wote waliokuwa chini yake waliokolewa kule Yeriko. Wote walio chini yake wataokolewa leo. Yule mwenye damu, yule mwana-kondoo mwenye damu, ni mfano wa Yesu Kristo.

Katika Waebrania 13:10 na 20. Sina wakati wa kulisoma. Liandike. Nilitaka kuisoma. Linaitwa "agano la milele." Damu ya Yesu Kristo inaitwa "agano la milele." Naam, bwana! "Agano la milele."

Mbona haikuitwa "Agano lisilo na mwisho"? Kwa kuwa halingalikuwa lisilo na Mwisho. Tunapokombolewa, yote yamekwisha basi. Ni la *milele*, ambayo maana yake ni, "muda fulani wa wakati," hata wakati utakapokwisha. Hakutakuweco lingine kamwe. Wakati utakapokwisha hatutahitaji agano. Lakini mpaka wakati utakapokwisha, tunahitaji agano.

137 Sasa, kumbukeni, Waebrania 13:10-20, "agano la milele." Ahadi ya Mungu yenye masharti ya Damu inatufanya huru toka dhambini. Amina! Hakuna dhambi ndani Yake; dhambi, ubinafsi, mwili.

Mwabuduni na kuonesha nguvu Zake zilizoahidiwa! Watu, waliofungwa kwa Damu, waliofungwa kwa Ishara, wana Roho wa Yesu Kristo ndani hapa, kwamba, "Yeye aniaminiye Mimi, kazi nizifanyazo Mimi, yeye naye atazifanya," wakionesha lile agano. Mnaona?

Agano Jipya! *Agano* maana yake ni "mapatano." Hiyo ni kweli, sivyo, Daktari Vayle? *Agano* maana yake ni "mapatano." *Agano Jipya* linamaanisha "mapatano jipya." Agano la Kale lilikuwa yale ya zamani, chini ya mwana-kondoo, ambapo ule uhai haungalimrudia mwamini. Agano Jipya lilikuwa Mwana-Kondoo wa Mungu, na uhai Wake huturudia sisi. Damu ni Uhai! Mnaona? Damu ni Uhai katika Agano Jipya, waona, Uhai hutoka katika Damu ya Mwana-kondoo, ambayo maana yake ni Agano Jipya, patano jipya.

Ya kwamba, Mungu, "Baada ya siku hizo, nitaandika amri Zangu juu ya kibao cha nyama ya mioyo yao." Mnaona? Mnaona? "Si juu ya vibao vya mawe, na vya damu ya mwana-kondoo, ambapo mlipaswa kusema, 'Naam, ni—nina damu upande huu, sasa inasema tufanyeje?' Bali juu ya vibao vya moyo wako, waona, agano la Roho nitakalofanya pamoja na watu."

138 Nalo huonyesha nguvu Zake. Yohana 14:12, inasema, "Yeye aniaminiye Mimi, kazi nizifanyazo Mimi yeye naye atazifanya."

Agano Jipya ni "mapatano mapya," Uhai mpya, inaonesha ya kwamba Yesu ametimiza kila masharti kwa ajili yetu ambayo Mungu alihitaji, kutufanya tena, kweli, wana na binti za Mungu, chini ya ile Damu, ambapo hakuna tena hukumu ya adhabu.

Warumi 8:1, "Sasa, basi, hakuna hukumu ya adhabu juu yao walio katika," si wale wanaoiamini, "hao walio katika Kristo Yesu, hao ambao huenenda si kufuata mambo ya mwili, bali mambo ya Roho. Na Neno Langu ni Roho na Uzima." Mnaona? Loo, nisingalitoa somo humo, na kukaa nalo kwa masaa kadha. Bali tutaharakisha, mnaona.

Hakuna tena hukumu ya adhabu, huru na dhambi, huru na shughuli za dunia, hakuna hukumu ya adhabu. Kwa nini? "Kwa wale ambao, kwa Roho mmoja, wamebatizwa katika Mwili mmoja." Hapo Damu ya Mwana-Kondoo imepakwa. Mungu wa Mbinguni amekukubali, na ninii yako ... Maisha Yake yako ndani yenu, nanyi ni wana na binti za Mungu.

Tabia yako ni tabia ya Mungu. Ni nini, kusukumwa kudogo? La, bwana! Mungu ni Mungu wa hukumu. Ni Mungu wa kusahihisha. Hapana budi iwe sahihi. Hakuna kingine kitakachofaa. Hiyo ndiyo tabia yako, kwa sababu wewe una tabia ya Baba yako. Mnaona?

139 Nini? Ule Uhai, tazama wakati (huo) uhai unapochokuliwa, badala ya damu. Mnaona? Uhai wenyewe ndio unachukuliwa. Mnaona? Ule uhai, unatwaliwa, badala ya damu. Mnaona? Ile damu ilipakwa, nao huo uhai haungalimrudia mwamini wakati huo, maana ni uhai wa mnyama. Siyo uhai...

Bali, tazama, badala ya mwanadamu, ilikuwa Kiumbe cha hali ya juu sana, sana, sana. Mnaona? Na hiyo inamfanya mwanadamu sasa, si mwanadamu tu, bali mwana na binti wa Mungu, aliye na Uhai wa hali ya juu sana, sana, sana, sana, ambao uliokuwa ndani Yake, na kukurudia wewe; na unakubadilisha kutoka mwenye dhambi, na mambo ya ulimwengu, mshiriki wa kanisa, na mfuasi wa kidhehebu, ukawa Mkristo aliyezaliwa mara ya pili, akajazwa Roho; na uhai wa Mungu ukimiminika tu kutoka kwako, kama spaki kutoka kwenye fuawe, unapoenenda, huku umejaa nguvu, upendo, upole, na Roho Mtakatifu akitenda kazi, akinena. Loo, jamani! Haya basi. Lo, jamani! Ndivyo hivyo. Na ukiwa na (nini?) Ukisikia Ujumbe, ukitazama ile Nguzo ya Moto, na dhamana iliyobarikiwa, "Nimepita mautini kuingia Uzimani." Tazama, basi, hamna hukumu ya adhabu kamwe.

140 "Kama mioyo yetu haituhukumi, ndipo tumepata tuliyoomba, mwaona, tunajua." Bali kama mna dhambi mioyoni mwetu, basi inatuhukumu, basi—basi afadhali hata tusianze. Mnaona? Huna budi kuwa huru kutoka dhambini. Na njia pekee unayoweza kuwa huru na dhambi ni kuingia ndani Yake. Hicho ndicho kifuniko pekee cha dhambi, ni Kristo.

Kumbukeni, Damu ya agano, Damu ya agano haitambuliwi bila Ishara. Huwezi. Hautaweza. Unasema, "Vema, ni—nimetakaswa kutoka kwa mambo." Hiyo si Ishara. Ni Roho, ndiyo Ishara, Roho wa Kristo juu yako. Iamini!

141 Sasa, tazama, Neno linatuhakikishia ahadi. Haya yote ni mafungu nimeyaandika hapa chini. Nitaendelea tu kuhubiri siku nzima, yaonekana, mnaona, juu yake. Mnaona? Neno linatuhakikishia ahadi, kwa maana Ndilo ahadi. Neno ndilo Ahadi, nalo Neno ni Mungu, na Neno ni—ni letu. Nasi tunafanyika Neno, nalo Neno linakuwa sisi. "Na mkikaa ndani Yangu, na Neno Langu ndani yenu," basi, mnaona, inakuwa tu familia moja kubwa. Mnaona? Linatuakikishia. Kwa sababu gani? Vema, ni sehemu yetu. Mnaona? Mnaona? Mnaona, linakuwa sehemu yetu. Ni somo lililoje! Vema. Linatuhakikishia, ahadi.

142 Ile Ishara ni ishara ya kwamba ununuzi umefanywa na umekubaliwa. Naam, huwezi kupata ishara ya gari la moshi mpaka umelipa nauli; na njia pekee utakayolipia hiyo nauli ni kulipa tu. Hiyo ni kweli. Nini? Iamini. Ikubali. Utii mkamilifu kwa Neno lote la Mungu utakupa haki ya Ishara. Utii mkamilifu! Si sehemu

yake kadiri liwezavyo dhehebu lako, bali lote. Utii mkamilifu wa Neno, ambalo ni Kristo, unakuingiza katika Kristo.

143 Sasa vipi kama mwili wote ulikuwa ndani, bali miguu yako inaning'inia nje? Je! vipi kama mwili wote ungalikuwa ndani, huku mikono ikining'inia nje? Karibu sisi sote tuwe ndani, bali mioyo inaning'inia nje? Mnaona? Mnaona? Moyo uko duniani bado? Mnaona? Lakini sisi hatufanyi hivyo.

Utii mkamilifu kabisa unakufanya wewe na Neno kitu Kimoja. Unaliamini, lote kabisa. Nalo lote liko ndani yako, na ulione likifanya kazi kupitia kwako.

Huambatani na kundi linalofanya yasiyofaa. Mnaona? Wewe ni Mkristo. Haidhuru mtu yeyote anasema nini, kamwe hawatakugusa. Uko ndani ya Kristo. Uko salama uwezavyo.

Wakati mauti yanapobisha mlangoni, hayana nguvu, mnaona, hata kidogo. Kwa nini? Ni kutoka tu *hapa* kuingia Mle.

144 Umri haumaanishi kitu. Wewe umepita kutoka uzeeni Uko katika Umilele, maana uko ndani Yake. Yeye ni wa Milele. Haumaanishi kitu, iwapo wewe ni kijana, mzee, umri wa kati, au cho chote ulicho. Mwenye sura nzuri, baya, mfupi, mnene, cho chote kile, si hoja. Siyo kitu.

Hutangatangi huku na huko, na mambo haya mengine yote. Wewe, wewe umepita hayo. Umekufa. Uhai wako umefichwa pamoja na Kristo katika Mungu. Umetiwa muhuri mle ndani na Roho Mtakatifu, ukitembea katika Kristo. Kitu pekee unachoona ni Kristo. Hivyo tu. Hayo pekee, unatembea kwayo. Loo, jamani! Si ajabu tulikuwa tukiimba wimbo huo mdogo!

Ijaze njia yangu kila siku kwa upendo,
Ninapotembea na yule Hua wa mbinguni;
Hebu niende wakati wote, huku nikiimba na tabasamu,
Ijaze ...

145 Hebu niwe ndugu. Hebu nikaishi kama kielelezo cha jinsi Kristo alisema inampasa mtu kuwa. Hebu niwe ndugu kwa ndugu, ndugu kwa dada. Hebu niwe m—mhudumu kwa wahudumu. Hebu niwe mfano wa mifano. Hebu niuoneshe ulimwengu ya kwamba Neno hili ni Kristo. Njia pekee ninayoweza kufanya hivyo ni kuingia ndani Yake. Maana, mimi siwezi kufanya hivyo mimi mwenyewe, huwezi kufanya hivyo. Lakini acha Neno na wewe uwe Mmoja, ndipo linaishi Lenyewe. Wewe ni waraka unaotembea wa Yesu Kristo, wakati Yeye anapokuwa na mamlaka kamili, mamlaka juu yako, kufanya kila Neno.

Kama akija *huku*, "Nataka kufanya Hivi," nawe unasema, "La, la, siamini Hilo", unaona, wewe hauko katika Neno bado. Mnaona?

146 Mkamilifu, sasa tazama, kabisa, sasa, utii mkamilifu wa Neno lote la Mungu unatustahilisha Ishara. Kisha tunapolipa, tunapoomba, inatupasa kuwa na ile Ishara tupate kuitoa pamoja na maombi yetu.

Kama ukisema, "Naomba, Bwana, bali kweli sina..." Vema, hamna. Hata afadhali ungelikoma, mnaona, ku-... Endelea, kwanza, pata ile Ishara, mnaona, maana hiyo Ishara ndiyo Yeye atakayotambua. Mnaona? Naam, bwana!

Tunapoomba, basi inatupasa kuonyesha Ishara, "Bwana, nimekutii Wewe, kabisa. Nimetubu dhambi zangu. Ninajisikia ya kwamba umenisamehe. Nimebatizwa katika Jina la Yesu Kristo. Roho Mtakatifu yuko juu yangu. Sasa ninahitaji jambo fulani kwa ajili ya utukufu Wako. Bwana, nakiomba. Ni changu sasa." Kisha mna kitu fulani kinachotia nanga huku nyuma, "Whiu-whiu," ni chako. Hilo latosha. Ndipo imekwisha. Imekwisha. Imemalizika. "Naomba *hiki*. Nakiomba. Sharti nikipate. Mnaona? Mnaona? Na—nakitaka kwa utukufu Wako." Mnaona? Vema hivyo tu, ndipo anakupa tu. Basi unajua ni chako. Hivyo ndivyo ilivyo, watoto wetu, na kadhalika, tunapaka ile Damu, tunaamini. Hivyo tu. Vema.

147 Yeye anafanya nini basi? Ukisha, unapoweza kutoa Ishara pamoja na maombi yako, inaonyesha ya kwamba umetii kikamilifu Neno lote la Mungu. Unapokuwa na Ishara, inaonyesha ya kwamba umekwisha kutii kila Neno. Halafu, wewe na Neno ni mmoja, unaomba tu kitu kile ulicho wewe. Mnaona? Mnaona? Halafu, mbona, unajua.

Kama nikiambia huu, "Mkono, hebu unitii, chukua ile lesa!" Unafanya hivyo. Mnaona, mkono ulinitii. Kwa nini? Ni sehemu yangu. Mnaona?

Basi wewe na Neno mnapokuwa Mmoja, kila ahadi, Mungu atukuzwe, kila ahadi ni yako. Inakutii. Ndipo inakubidi kuangalia sana unachotaka kufanya. Hautautia mkono wako motoni, kusudi useme, "Oneni nikifanya hivyo." Loo, la, la! Mnaona? Bali iwapo mna kitu mle motoni, ninachotaka kukitua, utanitii. Mnaona? Mnaona? Hiyo ni kweli. Mnaona, inakupasa kuwa mwangalifu sana kwa yale unayofanya.

Hiyo ndiyo sababu Roho Mtakatifu hutolewa kwa kiasi, na kadhalika, mnajua ninayomaanisha, kwa maana wengine... Hutaki kuninii ... Mtumishi halisi wa Mungu hajidai na Roho, mnaona. Hayo tu. Huko ni kujigamba.

Tunapoomba, tunatoa ile Ishara. Inaonesha ya kwamba tumetii kikamilifu.

148 Paulo anatuambia, ya kwamba, "Damu hunena." Kwamba, mtu ye yote anajua ya kwamba damu ni, kwa kweli, yenyewe, haiwezi kunena. Ni kemia. Hiyo ni kweli? Ni wangapi wanaojua jambo hilo? [Kusanyiko linasema, "Amina." — Mh.] Lakini ni wangapi wanaojua ya kwamba damu inanena? ["Amina."] Kama unataka kuandika hilo, Mwanzo 4:10. Mungu alisema, "Vipi kuhusu ndugu yako?" Kasema, "Damu Yake inalia kutoka duniani, dhidi yako." Amina! Hiyo ni kweli? Damu yake inanena. Haleluya! Mungu alisema, "Na yeye je?"

Akasema, "Je! Mimi ni mlinzi wa ndugu yangu?"

Kasema, "Damu yake inalia. Damu yake inalia." Ni ishara. Ni ishara, ya kwamba alikuwa ameuawa. Damu yake ilikuwa ikilia dhidi yake.

149 Sasa, ukipata hilo katika Mwanzo 4:10, basi katika Waebrania 12:24, anza kusoma. Katika Waebrania 10, 12:-4. Kasema, "Damu ya Yesu inanena mambo mazuri kuliko ya Habili."

Mnaona, Habili, alikuwa mtu mwenye haki. Yeye alikufa. Yeye alikufa, hana hatia, kwa sababu alikuwa njiani. Alikuwa katika Njia, akisimamia ufunuo halisi aliokuwa nao. Yeye alinena. Ililia! Damu ya haki ya Habili ililia dhidi ya Kaini.

Bali Damu ya Yesu Kristo, haikulilia tu, ilikomboa. Amina! "Inanena mambo mema zaidi." Inawafanya wana binti. Huwaficha toka kwa hasira ya Mungu. Mnaona? Damu ya Habili haingalimficha Kaini, mnaona, bali Damu ya Yesu inaweza. Amina!

Kwa hivyo, Kaini, wa kale utoke leo, kama umekuwa mtesi wa Neno, na kusema, "Siku za miujiza zimekwisha. Kitu hiki chote ni upuzi kabisa, na kadhalika."

Ni kupaza sauti, mnaona. Damu ya Yesu inalia, bali ina msamaha iwapo utaikubali tu. Ningependa tungalikaa muda kidogo kwa hilo, "Ile Damu hunena mambo mema zaidi."

150 Amini, kwa ajili ya usalama. Kisha mwipake, mnaona. Amini kwa ajili ... Hii ndiyo sababu ya kuiamini. Mnaona, unataka usalama wako mwenyewe. Unaamini kwa ajili ya usalama wako, na kisha uweke Ishara kwa ajili ya familia nzima. Mnaona? Unasema, "Ninawezaje kufanya hivyo?" Idai! Kama lilitenda kazi kwako, basi wewe na Neno mnakuwa mmoja. Amina! Amina! Mnaona? Mnaona, inafanya kazi kwenu wawili. Wewe na Neno ni mmoja, kisha uipake kwa watoto wenu, uipake kwa wapenzi wako.

Kama vile Rahabu alivyofanya, aliweka ile ishara kwa baba yake, akaiweka kwa mamaye, akaiweka kwa ndugu zake na dada zake, naye akawaingiza wote ndani.

Itumie, useme, "Bwana, nitamleta mwanangu. Nitamleta binti yangu. Namdai! 'Shetani, mwachilie!' Naja kumchukua. Natumia Ishara yangu, Roho Mtakatifu. Ee, Roho Mtakatifu, uishiye ndani yangu, mshike binti yangu pale. Ninamwendea sasa, nikiwa na upako Wako juu yangu." Yeye atafanya hivyo. Amina.

151 Hivyo ndivyo walivyofanya huko Misri. Hivyo ndivyo walivyofanya huko Yeriko.

Kama ukitaka kusoma lingine, Matendo 16:31. Paulo alimwambia yule akida, "Amini! Mimi ni mjumbe wa wakati huu. Mwamini Bwana Yesu Kristo, wewe na nyumba yako mtaokolewa." Hiyo ni kweli? Amini kwa ajili ya nyumba yako, walete wote chini. "Sasa mmeona Mungu wa Mbinguni akifanya muujiza. Ni kabla ya hukumu. Mnaamini jambo hilo?"

"Naam! Nifanye nini?"

Alisema, "Ondoka ukabatizwe." Paulo akamchukua akambatiza, kasema, "Basi mwamini Bwana Yesu Kristo, nawe utaokoka pamoja na nyumba yako."

Kuamini nini? Mwamini Bwana Yesu Kristo, kwa ajili ya nyumba yako, ipake Ishara nyumba yako.

Ndipo unafanyaje unapoipaka nyumbani mwako? Toa takataka zote nje. Ondoa sketi fupi zote, kaptura, na karata, na sigara, na televisheni, na kadhalika, ukaviondoe nyumbani, uendapo kutumia ile Ishara; hutakaa kimya kwake. Naam, bwana. Toa yote nje. Dansi zote, na karamu, rumba, na magazeti machafu ya kale, na mambo yaliyo ya ulimwengu, yapige teke nje ya mlango, ukaseme, "Tunafagia mahali hapa pote."

152 Kama Yakobo alivyofanya, alisema, akamwambia mkewe na wengine wote, kasema, "Fueni nguo zenu na kadhalika. Waondoeni hao miungu." Amina. Yo- ...

Mnajua yale Yoshua aliyosema kabla ya kuvuka? Alisema, "Fueni nguo zenu; msiwakaribie wake zenu, na kadhalika, mkajitayarisha, kwa maana katika muda wa siku tatu tutauvuka Yordani." Amina. Alikuwa akijiandaa, alikuwa akipaka ishara. Amina. Ndivyo hivyo.

Jitayarishe. Ipake. Iamini. Jitakase. Hebu na watoto wako, hebu na jamaa yako, hebu na watu wapendao, waione ndani yako. Hiyo ni kweli. Itatenda kazi. Naam, bwana!

Kisha ipake Ishara kwa maombi, kwa—kwa—kwa uangalifu, na kwa kuamini. Ipake kwa upendo mwingi, na kadhalika, hata utakapojua ya kwamba itatenda, itatendeka. Hivyo tu. Ipake kwa ujasiri, ukiamini itasaidia. Unapozungumza na huyo mtoto, unapozungumza na mumeo, unapozungumza na mkeo, ukizungumza na huyu mpendwa, amini ya kwamba itasaidia. Simama tu pale, na useme, "Bwana, nimewadai. Wao ni wangu. Nitawaleta Kwako, Bwana."

153 Ipake kisha ufanye hali kama hiyo ikuzunguke wewe, hivi kwamba wataingia tu mle ndani yake. Mnaona? Loo, wewe, wewe, kama una Ishara, unafanya roho kukuzunguka, nguvu fulani, hata unapotembea, watu wanajua ya kwamba wewe ni Mkristo. Wanataka sana uwaambie jambo fulani. Wanaamini neno lako. Yale usemayo, wanayashikilia. Mnaona? Hivyo ndivyo ilivyo.

Paka Ishara, kisha utembe nayo. Wadai wa nyumbani mwako. Huna budi kufanya hivyo sasa. Huu ni wakati wa jioni. Sasa, mmekuwa mkinisikiza kwa muda mrefu, sasa huu ni wakati wa jioni. Ni wakati wa kuipaka sasa. Ile hasira itashuka, mojawapo ya siku hizi, huenda ikawa imechelewa sana wakati huo. Mnaona? Paka Ishara, kwa ujasiri.

154 Ukitaka kusoma hayo, soma jambo fulani hapa, Maandiko yangu niliyoyaandika kwa hilo, ni kusoma Waefeso 2:12, ukitaka kuandika hayo. Tazama, katika Waefeso 2:12, utakapoisoma, inasema haya. "Ya kwamba hatuzitumikii kazi zisizo na uhai, bali tunamtumikia Mungu aliye hai, kwa kazi zilizo hai." Amina! Loo, jamani! Kwa kazi zilizo hai, ishara zilizo hai. Mnaamini katika ishara zilizo hai? [Kusanyiko linasema, "Amina." — Mh.] Pia andika, Waebrania 9:11-14, kama unataka kuandika hilo. Ishara zilizo hai, kazi zilizo hai, tumieni hizo!

Si kanuni za imani zisizo hai, "Nitampeleka mvulana wangu kanisani, nione iwapo atajiunga na kanisa."

Mvulana fulani Mkristo aliye mzuri hapa, rafiki yangu sana, rafiki msiri wangu, mtu halisi, ali—alikuja humu, akabatizwa. Mamake akasema, "Ningependa ungalienda kwa kanisa kubwa zaidi iwapo ulitaka ku—kubatizwa." Mnaona? Mnaona, hakutaka tu kanuni za kale za imani na kadhalika. Mnaona?

155 Sisi hatuzitumikii kanuni za imani zilizokufa na miungu iliyokufa. Tunamtumikia Mungu aliye hai ambaye Damu Yake ilimwagika kule nyuma, nayo ile ishara imepakwa kwetu, kusudi tupate kuishi pia. Amina. Naam, bwana!

Usitumikie kanuni fulani za imani zilizokufa. Wao hata hukana vitu kama Ishara. Wao husema, "Siku za miujiza zimepita. Hakuna kitu kama ubatizo wa Roho Mtakatifu." Kwa nini kujiunga na kitu kama hicho? Mnaona? Usifanye hivyo.

Ipakani Ishara, kisha, "mkamtumikie Mungu aliye hai," kwa ajili ya kazi zilizo hai, ishara zilizo hai; ishara zinazowaponya wagonjwa, zinazowafufua wafu, zinazotabiri mambo, kunena kwa lugha, zikafasiriwa, kila wakati ni kweli kabisa, zinazotabiri na kusema *hili* na jambo *fulani* litatendeka, zinaonyesha ishara katika Mbingu juu, na duniani, ishara na maajabu, amina, zikinena hasa yale Biblia ilisema yatatendeka. "Mtumikieni Mungu aliye hai," paka Ishara!

156 Usihudhurie hayo makanisa na kujiunga na kazi hizo zisizo hai na vitu kama hivyo, kwa maana hata hawaamini vitu kama ishara. Bali sisi ambao tunaamini, amina, tunajua Hayo. Wao husema, "Hamna kitu kama ishara. Hilo, lo, lo, huo ni upuzi. Yale wanayonena juu yake kule juu ni wazimu. Mbona, hakuna kitu kama hicho. Mbona, ninyi wanawake pale, loo, ninyi—ninyi, mbona, hamninii ... Nguo zenu ni nini...?" Inafanya hivyo. Biblia ilisema hivyo. "Nywele zenu je, mna zozote...?" Biblia ilisema hivyo.

Hizo, hizo ndizo tofauti, mnaona? "Msiguse, msishike, msionje." Yeye ni Mungu. Mnaona? Sasa, inamaanisha kitu fulani.

157 Sasa, wao wanafikiri ni kurukwa kwa akili. Bali kwetu tunaoamini na kujua iliyo kweli, tunajua ya kwamba ni Uwepo Wake ulio hai, kwa sababu unafanya mambo yale yale aliyofanya alipokuwa hapa duniani. Amina.

"Loo," wao wanasema, "wao huwazia tu ya kwamba wanaona hiyo Nguzo ya Moto." Loo, la! Loo, la! Hatuwazii cho chote.

Wao walidhani Paulo aliwazia, pia. Misri ilidhani ya kwamba Israeli waliwazia, bali iliwapoleka kwenye nchi ya ahadi. Naam, bwana! Hatuninii ...

Waebrania 13:8, mwajua, "Yesu Kristo ni yeye yule jana, leo na hata milele," kama mnayaandika hayo, kuandika, mnaona, ya kwamba, "Ni yeye yule." Si-siyo-siyo sawa...mawazo fulani.

158 Ninapoyaandika haya Maandiko hapa, ninayoandika humu, najua yalipo Maandiko, na hivyo ndivyo ninavyoandea. Mnaona?

Najua ni Uwepo Wake ulio hai, kwa maana hutenda vile vile katika huyu Roho. Sasa, kama ingalikuwa imeingilia baadhi ya kanuni za imani ama dhehebu, tunajua upesi sana haikuwa Kristo. Hiyo ni kweli? [Kusanyiko linasema, "Amina." — Mh.] Kama ningaliwaelekeza kwenye kanuni fulani za imani ama kitu fulani, kingine, ningalitumwa kutoka kwa dhehebu fulani. Bali mimi siwaletei ninyi kanuni za imani, nami siwafundishi ninyi madhehebu. Ninawafundisha Neno la Mungu, ambalo ni nguvu za kufufuka Kwake Yesu Kristo zilizodhihirishwa, si kwa ajili yangu tu, bali kwa ye yote atakaye. Mnaona? Ili ninyi ...

159 Wewe ni ndugu yangu. Mimi si mtu mashuhuri, nawe ni mtu mdogo. Sisi sote ni watu wadogo katika Mungu. Mnaona? Sisi ni watoto Wake wadogo. Hatujui kitu, yale yatupasayo kujua hakika. Yeye hutuacha tujue atakavyo, nasi tunamshukuru kwa yale tunayojua ya baraka Zake. Nami sijishirikishi hili mimi mwenyewe; nataka kulishiriki pamoja nanyi. Mnaona? Nawatakeni ninyi mwe ndani Yake, nami nawatakeni muipokee hii Ishara. Na kama hujafanya hivyo ... Wengi wenu, karibu ninyi nyote, tayari mmefanya hivyo. Bali iwapo wengine wenu hamjafanya hivyo...

Mnaona, nazungumza katika kanda, pia, mnaafhamu. Na nyingi zake... Nami sisemi hapa kanisani; sote tumekuja kutoka nje, nakisia. Bali huenda kukawa na maelfu baada ya maelfu watakoisikia kanda hii, mnaona. Na, hiyo, ni huduma. Kuna mtu atakayeingia Yeriko kwa siri, mnaajua, akiwa na kanda, kwa hivyo tunataka ku—tunataka kumpata yule Mzao aliyechaguliwa tangu awali inapoingia mle, mnaona, kwa maana ile ghadhabu inakuja.

160 Tunajua ya kwamba ni Uwepo wa Mungu aliye hai, inathibitisha ya kwamba Mungu amekwisha kumfufua kulingana na Neno Lake lililoahidiwa. "Bado kitambo kidogo na ulimwengu hautaniona tena. Yeriko, Misri, hawataniona tena. Hata hivyo mtaniona, kwa kuwa mimi ..." "Mimi," kiwakilishi nafsi, daima kinatajwa, mnaona. "Nitakuwa pamoja nanyi. Mimi ndimi Ishara. Kufufuka Kwangu ni Ishara. Kazi nizifanyazo zitatambulisha, zitanitambulisha Mimi ndani yenu."

"Kama ilivyokuwa katika siku za—za Lutu, ndivyo itakavyokuwa katika kuja Kwake Mwana wa Adamu, wakati Ujumbe wa jioni utakapotolewa."

"Kwa maana kutakuwako Nuru wakati wa jioni. Yapata tu wakati wa jioni, Nuru itakuja." Loo, utukufu kwa Mungu! Inanifanya nijisikie kama ningeweza kukimbia kupitia kwenye jeshi na kuruka ukuta. Mnaona? Mnaona? "Itakuwapo Nuru wakati wa jioni." Hiyo ni kweli. Nabii alisema hivyo.

"Nitakuwa pamoja nawe. Nitakuwa katika wakati wa Luther; Nitakuwa katika wakati wa Wesley; Nitakuwa katika wakati wa Pentekoste; lakini wakati wa jioni, itakuja Nuru." Madhehebu yatafifia, na ndipo Ishara itapakwa. Na hawa wote walio waaminifu moyoni, kote kote kule, bila—bila ninyi hawata—watakamilishwa. Lakini ndani yako ...

161 Ni kama kichwa kinapaswa kuondoka, kuchukua mguu. Kichwa hakina budi kwenda, kuushika mkono. Kichwa hakina budi kwenda, kuuchukua moyo. Kichwa hakina budi kwenda, kuchukua kinywa. Mnaona, kichwa hakina budi kuondoka.

Na sasa tuko kwenye wakati ambapo ishara iliwekwa kwenye kizingiti cha mlango, mnaona, na kwenye miimo. "Na ndipo nitakapoiona ile damu, ikiwa ni ishara, nitapita juu yenu."

Nitaharakisha sasa, upesi tu niwezavyo sasa. Ni kama dakika tano zaidi, ama kumi, tutamaliza.

162 Huthibitisha ya kwamba Mungu alimfufua katika wafu. Mnaamini jambo hilo? [Kusanyiko linasema, "Amina." — Mh.] Yeye yu hai miongoni mwetu leo. Na huyo "Mimi" ni Kristo. Na huyo "Mimi" yu pamoja nasi hata mwisho wa...Hapo inasema *ukamilifu wa dahari*, ambayo maana yake ni "mwisho wa ulimwengu." "Nitakuwa mwisho wa dunia," kulingana na Neno Lake lililoahidiwa. Yeye aliahidi jambo hilo. "Na kazi nizifanyazo Mimi ninyi nanyi mtazifanya." Si upuuzi kwetu. Ni Ishara. Ni Ishara.

163 Tunakubali dhabihu hii takatifu ya Damu. Tunakubali Damu Yake iliyotolewa sadaka, kisha tunatoa ... Yeye atupaye Uzima, ile Ishara, muhuri wa ahadi Yake. Waefeso 4:30, ilisema, "Msihuzunishe ile damu?" La. "Msimhuzunishe Roho Mtakatifu, ambaye kwa yeye ninyi ..." [Kusanyiko linasema, "Kutiwa muhuri." — Mh.] "Mmefanyiwa agano, mmeachwa" Mnafanyiwa agano. Mmefanyiwa. Ishara, Roho Mtakatifu, ndiyo itakayokuwa muhuri. Wakati cho chote kinapofungwa muhuri, afadhali usiufunje. Huwezi kuuvunja, wewe, siyo Muhuri wa Mungu. La. Mnaona? Kwa kuwa wewe ni ... "Msimhuzunishe Roho Mtakatifu wa Mungu, ambaye kwa yeye mlitiwa muhuri hata siku ya ukombozi wenu, wakati mwili utakapofufuliwa."

164 Ni mbegu, ishara ya kwamba mbegu imerutubishwa na Uzima wa Milele, "Zoe, 'Uhai Wangu Mwenyewe,' nami nitaufufua tena katika siku ya mwisho." Na unapotembea, una hakika ya kwamba Uzima wa Kristo umo ndani yako, nawe uko ndani Yake. "Kwa Roho mmoja sisi sote tumebatizwa kuwa Mwili mmoja, na kutiwa muhuri pale na Roho Mtakatifu," miongoni mwa waaminio namna hii, "hata siku atakapotufufua Yesu." Loo, jamani! Paka Ishara. Hivyo ndivyo inavyoamaanisha kwetu. Tunatarajia Sadaka hii kutupa Uzima, nayo hufanya hivyo. Kisha inatupa Ishara, nasi tunapaka Ishara ambayo ni muhuri mpaka... Tukiwa—tukiwa washiriki wa Hili, ni jambo kubwa iliyoje, tukiwa washiriki, tukibatizwa na Roho huyu mmoja, katika huo Mwili mmoja ... wa Kihistoria.

Je, nilitamka hilo neno sawa, mythical? Mwili wa siri, Mwili wa siri wa Yesu Kristo. Mnaona, Roho Mtakatifu alisema, "Unalitamka vibaya." Sanamu kama mimi, lakini Yeye alisema, "Unalitamka hilo vibaya," niliuita, "wa kubuniwa," ambalo ni Mwili wa siri wa Yesu Kristo, mnaona, Mwili wa siri wa Yesu Kristo. Mimi si ... Hatuhitaji elimu; tunahitaji Roho Mtakatifu. Yeye Ndiye. Mnaona? Yeye Ndiye. Naam, mnaona, hiyo labda ilimkwaza mtu fulani mahali fulani, mwanachuoni fulani, basi natumaini amelipata vizuri. Ule Mwili wa siri! Itakuwa kwa ajili kitu fulani, kwa maana hangalisema hivyo. Mnaona? Yeye yuko papa hapa sasa. Yeye yuko papa hapa mimbarani. Yeye yuko moja kwa moja huko nje. Ni Yeye. Mnaona? Whiu!

165 Na ndani Yake hamna mauti. Katika Yeye hamna huzuni. Katika Yeye hamna uchovu. Katika Yeye hamna dhambi. Katika Yeye hamna magonjwa. Katika Yeye hamna mauti. Tumo ndani Yake! Shetani akijaribu kukupa kitu fulani, kama magonjwa, chukua Ishara yako na kuipaka. Loo, jamani! Chukua Ishara yako na kuipaka, ya kwamba wewe ni mali iliyonunuliwa ya Yesu Kristo. Ishara inaonyesha ya kwamba nauli yako imelipwa.

Yeye anasema, "Unapokufa, umepotea."

Sema, "Umekosea. Nina bidhaa iliyonunuliwa. Mimi ni bidhaa iliyonunuliwa. Nina Ishara."

"Ishara ni nini?"

Yeye anajua ni kitu gani. Usi-, usicheze naye. Yeye anajua ni kitu gani. Sasa, huenda ukazungumza na baadhi ya wahubiri hawa, nao wangebisha nawe. Si shetani; yeye anajua vema zaidi Mnaona? Loo, naam. Yeye alikuja dhidi yake, mara mbili ama tatu, mwajua, na alifanya kosa, la majaribu. Shetani anajua yale unayonena. Onesha tu hiyo Ishara, ataruka. Ndiyo.

166 Maana, ni kitu gani? Ni bidhaa iliyotiwa muhuri. Yeye hawezi kulivunja huo, na kutoa kitu fulani mle ndani ambacho si sahihi. Sema, "Ondoa mikono yako! Nimetiwa muhuri." Loo, jamani! Bidhaa iliyotiwa muhuri! Naam, bwana! Umenunuliwa. Shikilia Ishara juu ya imani yako isiyotikisika katika ahadi Yake, mwangalie akienda. "Kuomba kwake mwenye haki kwafaa sana!" Mnaona? Mnaona? Chukua hiyo Ishara. Hilo ndilo kusudi Lake. Shetani yupo kukujaribu.

Alikuwa Misri, kujaribu.

Kwa nini, unajua, siku hiyo wakati Rahabu alipoweka huyo kahaba... Huyo kahaba alipoining'inizia hiyo kamba, hiyo kamba, nakisia baadhi ya hao askari walicheka na kumfanyia mzaha, wakisema, "Huyo mwanamke mzee mwenda wazimu kule juu! Amerukwa na akili. Tazama, anacho kule ndani. Ha, ha, ha! Kwa nini, uliwahi kusikia jambo kama hilo? Kwa nini, Daktari Jones kasema, hapa, 'Hamna kitu kwa hayo.'" Lakini kulikuwako, kwa sababu mjumbe kutoka kwa Mungu aliuleta ujumbe na kuwaambia.

167 Je, ungefikiria hao Wamisri wakisema, "Yaonekana kama... Aisee, litazame hilo kundi la watakatifu wavingirikao, wakitia damu! Ha, ha! Si watajichafua, watakapoisafisha hiyo! Loo, jamani! Hizo nyumba kubwa na nzuri, zote zimefunikwa kwa damu! Loo, hiyo harufu! Nnakwambia itakuwa mbaya sana katika muda wa siku chache. Haitamaanisha kitu. Mnajua ni kwa nini? Baba mtakatifu *Fulani* alisema hivyo." Lakini kulikuwako. Ilikuwa hivyo. Ilimaanisha kitu fulani.

Inamaanisha jambo fulani kwetu sisi tunaoamini. Mnaona? Kumbukeni tu imani yenu isiyotikisika mlio nayo katika Neno hili! Sasa, wewe si Hawa tena. Mnaona? Wewe si mmoja wa hao wanaotilia shaka, na, vema, kupatana na Shetani. Unashikilia kila Neno la Mungu. Mnaona?

Hawa alisema, "Vema, Bwana alisema hivyo!"

Shetani akasema, "Lakini, unajua, Bwana hakika hatamfanyia jambo kama hilo mtu mzuri kama wewe. Loo, unapendeza sana. Asingefanya hivyo." Loo, naam, Yeye atafanya hivyo, pia. Yeye alisema angefanya hivyo.

"Vema, baba yangu alikuwa mhadumu. Nimekuwa mhadumu." Si—siwezi kufanya neno. Bila Ishara, umepotea. Hasira iko juu yako, mnaona, hivyo tu, bila ile Ishara. Mnaona? Naam. Yeye alisema angefanya hivyo, Naye atafanya hivyo. Hilo, hilo linatosha tu. Anasema atafanya hivyo.

"Loo, ninaamini siku za miujiza ..."

Naam, bali Yeye alisema sivyo. "Mimi ni yeye yule jana, leo, na hata milele," mnaona, hivyo ndivyo tu anavyothibitisha kuwa.

Sasa, kwetu sisi, tunajua jambo hilo. Kwao, wao hawaamini jambo Hilo. Bali tunaliamini. Tunajua ni Kweli. Mnaona?

168 Sasa, tukiwa katika jambo hilo, tunakuwa sehemu ya Neno. Na halafu uchukue Ishara, Roho, juu ya ahadi, "Mimi ndimi Bwana nikuponyaye."

Sasa jiandae kwa ajili ya ibada ya uponyaji usiku wa leo. Mnaona? Chukueni ile Ishara, ining'inizeni

juu ya Neno, juu ya imani yenu isiyotikiswa katika hilo Neno, atatoka. Sasa, hicho ndicho—Hicho ndicho kitu kinachomwondoa, kwa sababu katika Yeye hamna kitu kama hicho.

Ningependa kama ningaliweza kutoa ushuhuda mdogo sasa, juu ya mambo ambayo nimeyaona yakitendeka katika majuma machache yaliyopita. Mnaona? Mnaona? Loo, jinsi ningalishuhudia!

Mnajua, pia Luka alisema, “Kama yote aliyotenda Yesu yangaliandikwa katika vitabu, ha... hakungalikuweco vitabu vya kutosha ulimwenguni kuyaandika.”

Yale tu nimekwisha kuyaona katika huduma yangu mwenyewe, kumwona akiyafanya, haungalivirundika hivyo vitabu juu ya hili jukwaa hapa. Kama ningaliyaandika kirefu niliyomwona Yeye akitenda katika huduma yangu binafsi tu, nikimwona akiyatenda. Mnaona? Yeye alifanikiwa sana katika huduma yangu kuliko katika ile Yake. Sasa, kumbukeni, Yeye alikuwa na ufanisi mwingi sasa, si mimi; Yeye alifanikiwa. Utukufu! Haleluya!

169 Yeye alifanikiwa sana Jeffersonville kuliko kule Nazareti. Alifanya hivyo katika jiji hilo ovu na jiji hili ovu. Amina! Utukufu! Kwa maana, “Yeye hakuweza kutenda miujiza kule,” bali aliifanya hapa. Hatimaye alifaulu, hapa. Alifanikiwa kuifanya hapa. Huenda ilimlazimu kuwapata watu mahali pengine, bali ali—alifaulu kuifanya, hata hivyo. Kwa hivyo, Yeye alifanikiwa sana papa hapa kuliko kule—kule Kapernaumu ama—ama Nazareti, katika hayo. Alifanya miujiza mingi zaidi papa hapa katika Maskani haya kuliko alivyofanya katika huduma Yake Yote duniani. Hiyo ni kweli, aliifanya. Sasa ni vipi ulimwengu ule mwingine? Loo, jamani! Sasa hivyo ndivyo alivyofanya.

Sasa kumbukeni, “Yeye” alitenda. Sasa, haikusema nilifanya, mnaona, la, kwa sababu sikuzifanya. Sikufanya hivyo. Nilimpenda tu na kujitolea Kwake, nikasema alivyosema, kisha Roho Mtakatifu akaenda kwa watu wengine nao wakaamini yale Yeye alivyosema, na halafu Yeye akatenda hiyo kazi. Hivyo tu.

Kama anaweza kutufanya sote tuamini! Yeye angefanya nini hivi sasa, kama angeweza kutufanya sote tuamini hivi sasa, sawa? Hakungalikuweco na mtu mnyonge mjini kote. Hiyo ni kweli. Kama angalimfanya kila mtu kuamini, yote yangekwisha. Mnaona?

Shikilia Ishara yako juu ya imani yako isiyotikisika katika Neno Lake lililoahidiwa, naye Shetani ataondoka.

Sasa nitafunga sasa.

170 Mungu wakati mmoja alitoa ishara nyingine kwa ulimwengu; ilikuwa upinde wa mvua. Mnakumbuka hiyo? [Kusanyiko linasema, “Amina.” — Mh.] Yeye daima, daima amekuwa mwaminifu kwa ishara hiyo, kwa maana aliitoa kama ishara. Maelfu haya yote ya miaka, Yeye hajashindwa kuonyesha hiyo ishara. Hiyo ni kweli? [“Amina.”] Kwa nini? Yeye anaihesimu. Yeye aliitoa. Aliupa ulimwengu ishara ya kwamba Yeye hatauangamiza ulimwengu tena kwa gharika. Na tangu siku hiyo Yeye daima, daima ameionesha.

Mna vitu fulani hewani, ambavyo huufanya huo upinde wa mvua. Inaponyesha, nalo jua linajitokeza, hiyo huonesha. Jua linakausha mvua, kwa hivyo Yeye aliweka upinde wa mvua kule kuthibitisha ya kwamba hakutanyesha mvua ya kutosha duniani kuiangamiza tena. Hilo ndilo agano Lake. Ni ishara. Yeye alisema, “Nitawapa ninyi hiyo kama ishara.”

171 Yeye alijali ishara Yake. Aliijali ishara Yake katika siku za Nuhu. Yeye huionesha bado. Aliijali ishara Yake Kule Misri. Aliijali ishara Yake kule Yeriko. Anaijali siku hizi. Yeye daima huijali ishara Yake inapooneshwa.

Maelfu haya yote ya miaka, amependa kuonyesha hiyo ishara. Hasahau kamwe. Hasahau ishara Yake. Sasa, haidhuru ulimwengu unabadilika vipi, ule upinde wa mvua ungali pale. Mnaona, Yeye huijali ishara.

Hufanya vivyo hivyo sasa, Yeye huijali Ishara Yake. Haidhuru kanisa litabadilika vipi, litafanya *hivi* mara ngapi; Mungu angali anaijali Ishara Yake, hiyo pekee. Inatuonesha ya kwamba Yeye hakosi kuheshimu yale atendayo, na yale asemayo. Tunakubali, tu—tunaheshimu Hilo. Naheshimu.

172 Yeye anatutarajia pia tumwonyeshe Shetani Ishara Yake juu ya imani yetu, pamoja na vikundi vyake vyote visivyoamini na madhehebu, ya kwamba tunaamini kwamba ahadi Yake ni kweli, naye atafanya alichohadi kufanya. Hilo hapo Kanisa.

Si ajabu hawawezi kufikia kwenye hatua ya kwanza kule nje, kama tuitavyo; kunradhi kwa hilo tamshi. Si ajabu hawafikii po pote ila kurudia dhehebu na kufanya kundi la watu waliovalia nadhifu; wenye tabia nzuri, wenye akili, walioelimika. Hawafikii po pote pale, kwa sababu hayo ndiyo wanayoonesha, “Mimi ni Mmethodisti. Mimi ni Mpresbiteri.” Hivyo tu ndivyo walivyo.

173 Lakini waaminio huchukua Ishara! Na yale Yesu aliyoanza kufanya kule Galilaya, Yeye anaendelea kufanya sasa kwa kuonyesha Ishara, ya Roho Mtakatifu aliyerudi Kanisani. Kwa kuwa, hayakuwa

matendo ya mitume, yalikuwa matendo ya Roho Mtakatifu katika wale mitume, na hiyo ndiyo iliyokuwa Ishara.

Wao walisema waliwatambua Petro na Yakobo, walipo-...Petro na Yohana, walipopitia kwenye mlango uitwao Mzuri, wakajua walikuwa wasio na elimu. Huenda ikawa walisema, "Piga, halina, mbeba, rarua, chota, beba. Nitakwambia juu ya *hili*." Mnaona? Huenda ikawa kulikuweco sarufi chungu nzima ambazo hawangalifahamu. Huenda ikawa hawakujua tofauti; elimu yo—yote...ya hesabu ya Maandiko. Bali iliwabidi hao kutambua ya kwamba hawa walikuwa pamoja na Yesu. Wao waliisha kuonyesha hiyo Ishara, kwa sababu Roho yule yule aliyekuwa juu Yake, kabla ya kusulubishwa Kwake, alikuwa juu yao baada ya kule kufufuka. Amina!

174 Basi hiyo inamfanya Yeye Waebrania 13:8, "Yesu Kristo yeye yule jana, leo, na hata milele." Hivyo ndivyo tunavyojua ya kwamba Yeye yu hai. Kwa sababu ni kwa nini? Tunajuaje ya kwamba tuko hai? Kwa sababu Yeye yu hai. Na kwa sababu sisi tunajua ya kwamba tu hai, ni kwa sababu sisi tunafanana naye, na tumo ndani Yake. Naye alisema, "Kwa maana Mimi ni hai, nanyi mu hai pia. Mimi Ndiye," katika Ufunuo, "niliyekuwa nimekufa, nami ni hai hata milele na milele." Na kama—kama tukifa kwa nafsi zetu na tuwe hai katika Yeye, sisi tu hai milele na milele. Kisha Uhai Wake ndani yetu ni kama tu uhai wa cho chote kile, unaonesha kile alichokuwa. Na hiyo inamfanya yeye yule jana, leo, na hata milele.

Sasa waweza, wanapoikana Hiyo? Hivi hamwoni, "kazi zilizokufa"? Mtumikieni Mungu aliye hai, kwa wa Milele ... Ninamaanisha, agano la milele la Uzima uliokuwa katika Damu ya Yesu Kristo. Sasa tukiendelea, hata mwisho, mimi... Vema, nita-...tutamaliza tu. Mnaona, kuonyesha ile Ishara ya neema Yake, upendo Wake! Sasa, bila Ishara hii kupakwa ...

175 Sasa, ni Ishara. Ishara ni nini? Ishara ni dalili ya kwamba deni imelipwa. Bei iliyohitijika imelipwa. Bei ya wokovu wetu ilikuwa mauti, unaona, na hamna mtu angaliweza kuilipia ile Kristo. Na si ro—roho ya kidhehebu, si roho ya papa, si roho ya mtu fulani ama mtakatifu fulani, bali Roho ya Yesu Kristo, juu ya Kanisa, ni Ishara ya kwamba deni imekwisha lipwa naye ametimiza kila sharti alilohitaji Mungu, na sisi pamoja na Yeye tu mmoja. "Siku ile, mtatambua ya kuwa Mimi ni ndani ya Baba Yangu, naye Baba yu ndani Yangu; nami ndani yenu, nanyi ndani Yangu."

Paka Ishara! Paka Ishara ya kufufuka Kwake. Kwamba, kwa sababu Yeye alifufuliwa kwa ajili ya kuhesabiwa haki kwetu, Yeye ametufufua sisi pia pamoja Naye. Na sasa tunaketi katika ulimwengu wa roho, katika Kristo Yesu, chini ya ushirika wa ile Ishara.

176 Wakati Israeli walipoketi pale, na mayowe yalikuwa yakiendelea, huko nje barabarani, hawakuwa na jambo moja la kuhangaika. Jambo pekee, kuwa na hakika kwamba ile damu, ile ishara, ilikuwa ikionesha.

Hilo ndilo jambo pekee tunalopaswa kuwa na wasiwasi nalo sasa hivi. Kuna shida nji—njiani, inafanyika, marafiki. Haitachukua muda mrefu, shida inakuja. Mnajua hivyo. Hakikisheni ya kwamba Ishara inaonekana wazi. Na Ishara ni Roho Mtakatifu. "Kwa maana kwa Roho mmoja sisi sote tumebatizwa kuwa Mwili mmoja, na kufanywa washiriki wa utukufu Wake," katika Nchi yetu, tunapiga hatua kuelekea makwetu kwenye Nchi ya ahadi.

Je! Mnampenda? [Kusanyiko linasema, "Amina." — Mh.] Mnaamini ile Ishara? ["Amina."] Ni wangapi wangetaka kusema, "Loo, Ndugu Branham, niombe, kwamba nitakuja chini ya Ishara hii?" ["Amina."]

Na tuinamishe vichwa vyetu.

177 Bwana Yesu, Mwenye Fadhili nyingi sana! Ulimwengu ulipokuwa dhambini, na hamna mtu hata mmoja angelisaidia, Mungu, katika rehema, akionesha kimbele, kwa mfano, ya kwamba kungalikuja Ishara ambayo ingaliondolea mbali dhambi, si kufunika tu, bali angaliiondolea mbali. Naye Yesu akaja wakati uliofaa, kisha akamwaga Damu, Uhai Wake Mwenyewe, akichukua...akitufanyia upatanisho kwa dhambi zetu, ndiposa ukamrudisha katika umbo la Roho Mtakatifu, ambaye sasa ndiye Ishara itakayowekwa Kanisani hata atakapokuja. Kwa maana mtume Petro alisema, "Ahadi hii ni kwa ajili yenu, na kwa watoto wenu, na kwa watu wote walio mbali, na kwa watu wote watakoitwa na Bwana wetu wamjie."

Bwana, kwa neema Yako, msaada Wako, namdai kila mtu atakayesikia huu Ujumbe. Nawadai kwa Mungu, nakuomba Wewe, Bwana, wote walio hapa asuhuhi ya leo na hao watakoisikiza kanda. Na iwapo kuna mzao po pote, aliyechaguliwa tangu awali, Bwana, kulisikia Neno la siku hizi za mwisho, na waje sasa, kwa uzuri na unyenyekevu, wakaweke zawadi zao msalabani, ama wao wenyewe, kama thawabu ya neema ya Mungu iliyowaita. Na wao wajazwe na Roho Mtakatifu na waonyeshe ile Ishara ya Uhai wa Yesu Kristo katika kufufuka Kwake, mradi tu wangali hapa duniani. Tujalie, Bwana.

178 Maneno haya, Bwana, huenda sikuyasema vizuri. Na iwapo sikufanya hivyo, naomba ya kwamba Roho Mtakatifu atayachukua maneno haya na kuyasema yanavyopaswa kusemwa, watu wapate kufahamu na kujua, bila uovu. Na hebu wajue ya kwamba upendo husahihisha. Na wapate kujua ya kwamba ni kwa sababu ya saa tunayoishi, na kule kukaribia kwa kuja kwa Bwana, nasi tunaona zile taa kubwa nyekundu zikimemetesha, kote ulimwenguni, ya kwamba wakati umekaribia.

Jalia watu wampokee Roho Mtakatifu siku hii! Ninaomba, na kuwakabidhi Kwako, katika Jina la Yesu Kristo. Na hebu iwe ni Ishara kwetu mradi tu tuko hai, ambapo Wewe uliahidi ingekuwa. Ingekuwa rahisi kuuliza jambo hilo, kwa sababu Wewe uliahidi lingekuwa, nami ninajua litakuwa hivyo. Katika Jina la Yesu tunaomba. Amina.

Sasa, huku vichwa vyetu vimeinamishwa, kwa dakika moja tu.

179 Kwa imani, nikiamini, nimewaombea, yote nijuayo. Ni—niliomba kwa uaminifu, kwa yote nijuavyo jinsi ya kuombea.

Angalia, ninatambua jambo hilo. Mnajua nini? Mimi huishi kwa zaka na matoleo yenu. Msaada wenu, hapa kanisani, ndio unaonifanya nipate mtu wa kuhubiria. Ni upendo wenu, na “amina” zenu na ushirika wenu. Na maneno yenu mema kati ya walimwengu kule mnakoenda, katika mikoa mbalimbali nchini, ni maneno yenu yanayosaidia kuupeleka huu Ujumbe. Ni wewe. Sisi ni washirika katika jambo hili, pamoja na Kristo. Sisi ni ndugu na dada, Naye ni Mfalme wetu. Nami nawapenda. Mimi—mimi—mimi—mimi, mahali nilipo, ninawatakeni muwe. Ninaendesha gari kote nchini, kuzungumza nanyi mara kadhaa. Ninatamani kukutana nanyi hapa Jumapili asubuhi. Ninawapenda. Daima nimewapenda. Wakati mwingine inanibidi kuzungumza kwa ukali sana, bali ni kusahihisha tu. Mnaona, ni kwa sababu tu ninawapenda, mnaona, nami sitaki muikose. Wewe, hupaswi kufanya hivyo.

180 Sasa, kwa uzuri na unyenyekevu, kwa yote yaliyo moyoni mwako, kule ndani kabisa, ikubali tu. Sema, “Bwana Yesu, sasa hivi, chukua tu yote yaliyo ndani yangu, yasiyo kama Wewe, na hebu niondolee mbali majivuno yangu yote, yote yaliyo ndani yangu, niyatoe nje. Taka zote, kutokuamini kwote kuliko ndani yangu, na—nakuondolea mbali sasa, Bwana. Nalitupilia mbali. Roho Mtakatifu wa mungu, kama hua, na aingie ndani yangu. Na—nataka kuishi milele, Bwana, nami na—nataka unisaidie wakati huu. Tujalie sasa.”

181 Mnapoomba, nasi tutavuma wimbo huu, ama kuimba kwa sauti ndogo, pamoja, *Nampenda*. Kisha, kumbukeni, inakuja kwa upendo, kwa maana Yeye ni upendo. Huku ninapoweka mikono yangu juu ya hizi lesi, kwa sababu hao watu huenda wakazipata, kabla haijakuwa usiku.

Nampenda, nampenda
Kwa sababu Yeye alinipenda kwanza
Na kununua wokovu wangu
Mtini Kalvari.
Nampenda, nampenda.
Kwa sababu alinipenda kwanza,

Sasa yatoeni tu maisha yenu Kwake.
Na kununua wokovu wangu
Mtini Kalva- ...

Mpendeni, mpendeni, mpendeni Yeye. Oneni alivyowatendea. [Ndugu Branham anaanza kuvumisha *Nampenda* — Mh.] Ni kwa upendo. Upendo huleta utii. Upendo huleta kuposana. Upendo huleta ndoa. Na hapo ndipo tunakoelekea, Karamu ya Arusi ya Mwana-Kondoo. Namsikia Mwokozi wangu akiniita, ya kwamba Yeye ananipenda mimi, pia. Mimi, pia! Mimi ...

Kwa moyo wako wote, sikia kitu kizuri sana kikiingia ndani yako. Huyo ni Roho Mtakatifu.
Kwa sababu Yeye alinipenda kwanza
Na kununua wokovu wangu
Mtini Kalvari.

182 Kama ... Nitainua mikono yangu, pamoja na wasikizi, kuambatana na muziki. Kama nimetenda dhambi, kama nimekosea...

Nawaombeeni ninyi sasa, nami mwenyewe.

Iwapo nimekosea, mkono wangu Kwako, Bwana, unamaanisha ninasikitika. Mkono wangu Kwako, Bwana, unamaanisha ya kwamba si—sikutaka kufanya hivyo. Nami ninajua ninakufa, Bwana. Sina budi kuondoka huku ulimwenguni, katika mwili. Ninataka kukutana na Wewe. Mkono wangu unamaanisha, uchukue, Bwana. Nijaze Roho. Nipe Ishara ya upendo Wako juu yangu, Roho Mtakatifu, atakayenifanya niishi vizuri, kwa unyenyekevu, anifanye niishi Maisha yaliyokuwa katika Kristo; kusudi moyo wangu upate kuwaka moto kwa ajili ya watu wengine, hata iwe vigumu kwangu kupumzika, mchana na usiku, hata nitakapompata kila mtu niwezaye. Nitakuwa kama wale wajumbe kule Yeriko; nitamwendea kila mtu niwezaye, nione kama naweza kuwafanya waje chini ya lile agano la Damu, chini ya Damu ya Mwana-Kondoo, wapate kuipokea Ishara.

183 Mnaona, Damu husafisha. Roho ni Ishara kwamba Damu imekwisha kutiwa. Mnaona? Roho ndiye Ishara kwamba Damu imekwisha kupakwa. Mpaka Damu itakapopakwa, Roho—Roho hawezi kuja. Bali Damu inapopakwa, basi Roho ni Ishara, akitumwa kwako, ya kwamba imani yako katika ile Damu

imekubalika, nauli yako imekwisha kulipwa. Nauli yako imelipwa. Imekwisha. Hiyo kesi imemalizika. Wewe ni Mkristo. Wewe ni mwaminio. Kristo yuko ndani yako, nawe uko ndani ya Kristo.

... alinipenda kwanza
Na kununua wokovu wangu
Mtini Kalvari.

184 Huku mioyo yenu imeinamishwa sasa mbele za Mungu; mchungaji wenu, Ndugu Neville, akiwa na maneno ya kufunga na yale atakayosema.

Kumbukeni ibada usiku wa leo, ibada ya uponyaji. Njoo mapema. Hebu tuanzia saa moja, hebu niwe jukwaani saa moja na nusu. Hiyo ni sawa, Ndugu Neville? [Ndugu Neville anasema, "Hilo ni sawa." — Mh.] Sasa tutakuwa na meza ya Bwana, mnaona, usiku wa leo. Njoo!

Alasiri ya leo, kaeni Na Huo kabisa. Usiache Ujumbe huu uondoke. Kumbukeni, msiache Ujumbe huu uwaondokee!

Damu itakuwa Ishara ya kwamba Uhai umekwisha kutolewa. Mnaona? "Na nitakapoiona ile Damu, nitapita juu yenu." Roho Mtakatifu ni Ishara ya kwamba Damu imekwisha tiwa moyoni mwako, na ni Ishara ya kwamba Damu imekwisha tiwa. Iwapo haijatiwa bado, basi Ishara haitakuja. Mnaelewa? Sema, "Amina." [Kusanyiko linasema, "Amina." — Mh.] Damu haina budi kupakwa, na ndipo ile Ishara inakuja. Ni Ishara ya kwamba Damu ya ukombozi imepakwa na nauli yako imelipwa. Mungu akubariki. Ndugu Neville.



www.messagehub.info

Mahubiri Na
William Marrion Branham
"... katika siku za sauti ..." Ufu. 10:7